

道光丙戌

宋州從政錄

任蘭荪題籤

官箴書集成 宋州從政錄

宋州自宋時河道南徙而河患甚至明季時河道北遷而河患尤甚蓋其地勢平行卑下無高山大阜爲之屏障故河有氾濫之日郡卽有衝決之虞雖甄子宮成金隄無恙而霖霖暴漲野忽爲湖說者嘗以爲有水害而無水利我

朝順治初年河患猶未已也其後平成底定

列聖相承諸大吏奉

天子命隨時設法宣防並疏濬各河渠以爲蓄洩之地以資灌

溉之益而又逢雨暘時若野穀旅生凡四海六合之內

宋州從政錄序

罔不政通人和各安畊鑿况中州之近地哉然而河道之轉徙靡常天災流行何代茂有雖翬舜禹湯之世亦不免焉今之歸德前受陽侯之虐元氣猶未復也凡游惰之民不事恒業因無恒心其地與江南山東數州縣界犬牙相錯往來牴牾探囊者乘隙境之不相譏察尤易藏奸

國家承平日久網漏於吞舟之魚而窮黎不致於奸者鮮矣是又守此土之責也乙酉夏予仰沐

殊恩奉

命卽赴歸德新任蒞任三日至永城率有司捕蝗蝗淨矣猶

未雨也乃履勘各屬水利夫所謂水利者水治而田亦

治也歸德就地爲田非若江浙之田有水可灌故不雨

卽旱雨數卽澇必溝渠以洩之欣逢 大中丞程公

奏請挑惠民溝河築沈家隄防微予分別其官修民修者

尅日興工予卽與同寮謀凡各境之河渠溝洫有壅塞

者亦先擇其要按畝分工集民力以疏濬之蓋幹河淤

則支河溝渠無所歸支河淤則幹河之暴漲無以分其

勢澇亦災旱亦災民卽因災而窮且盜矣故必水治而

宋州從政錄序

二

後田治則民亦無不可治也然而治民者舍保甲無善

法焉予先於浙江平湖任辦有成效雖皆古人之成法

而因時制宜無所處而不當 中丞許可予卽飭各屬

率由舊章而潤澤之是役也首縣王君掌絲爲之倡其

餘外縣接武焉夫保甲之法行則一切吏治無不可以

並行明呂司寇之弭盜法今江蘇 陶中丞之義倉法

卽於查保甲時剴切曉諭次第行之於此敬謹宣講

聖諭凡行於城者卽可行於鄉苟一鄉一邑一郡皆如是焉而

民有不治者吾未之信也秋九月予復蒙

特恩升授河北守道聞

命之下踰天踏地若無所容行有日矣而父老參眷眷焉予

忤忤心動且感且慙噫歲之艱不爲災旱而得雨邀福

于天也興水利辦保甲中丞所以教也若夫恤民隱以

省差徭則良牧令相助爲理也爰錄宋州從政一編以

相質願諸君子無忘其所能也


道光五年歲在乙酉秋九月旣望葵源王鳳生識

宋州從政錄序

三

歸德府一州

七縣水道圖



歸德府屬水道總圖說

制各州縣查勘河渠溝洫檄

查歸德一府不特濱臨黃河易遭水患且地處窪下上承開封等屬之水下達江南宿州蕭縣亳州等處舊有之河若淤塞不通設遇夏秋霖雨水無所歸必致氾濫為患本府蒞任以來載稽誌乘悉心講求自乾隆十六年粵西陳公宏謀撫豫查勘各幹支等河分別官修民修擇幹河之要者如商邱之古宋河豐樂河夏邑之响河永城之巴溝河計用工料銀六萬六千六百餘兩 奏請發帑興工其餘按照村庄田地動用民力分段挑築計通屬幹河十二道水道源流大率由

歸德府屬水道總圖說

西北而達東南一曰陳梁河上接儀封入境由寧陵商邱合古宋河至鹿邑入過河下達亳州一曰張弓河上自儀封入境由睢州寧陵至柘城合惠濟河入過河一曰惠濟河上自杞縣入境由柘城至鹿邑匯入過河一曰過河上自太康入境由鹿邑下入亳州之過河一曰清水河上自淮寧縣入境由鹿邑下入亳州之過河一曰黑河上自淮寧縣入境由鹿邑下入太和縣潁河是六幹河皆在府之西南下歸江南亳州太和蒙城諸縣者也一曰沙河上自儀封入境由商邱下入亳州武河一曰老黃河上自商邱縣北沈公堤起下由會亭縣入永城之曹家窪達滄河一曰豐樂河自商邱縣馬牧集南起入夏邑响河合岐河入永城境下達江南宿州經沙磧灘入睢河一曰惠民溝自虞城北關外起由縣東南入夏邑巴清河又東會江南礪山縣之橫河至永城滅水溝達江南宿州一曰滄河上自商邱海濠溝起經亳州境入永城縣南下達宿州一曰包河上自商邱沙河分流由亳州境入永城縣南下達宿州滄河此六幹河皆在府之東南下歸江南宿州三州者也幹河悉條貫於各邑而支河支溝則以幹河為歸厥名甚多其同時開濬者又有商邱之惠民溝蘆草溝睦

鄰溝凡三道寧陵之呂家窪郭家樓何家窪等溝凡三道鹿
邑之普溝下洪溝凡二道夏邑之岐河毛家河小引溝凡三
道永城之大澗溝小澗溝專溝趙溝王溝白洋溝大溝溝會
溝凡八道虞城之坡河洪滋溝永豐溝支溝凡四道睢州之
橫河青崗溝司家河長崗溝集溝姬家河蔡家河溝古路溝申
家屯溝林家店溝凡九道柘城之竹家集胡家集周家庄王
雲堂官莊蘭家窪明淨崗山臺寺開花店李灘店八里營雙
廟集慈聖集李鐵集等溝凡十四道悉經陳公宏謀檄前府
陳公錫駱躬親籌畫統率所屬按畝分工一律興築水利之
歸德府屬水道圖說

功偉矣嗣後巡撫蔣公炳復

奏議善後事宜歲加修濬以防復淤後之人如果實力遵行
原可經久無弊惟距今七十餘年迄未修治故址幾湮茲蒙
撫憲徵欽程公

奏請興挑虞城之橫河惠民溝夏邑之巴清河永城之減水
溝並修築沈公堤已足以廣宣洩而資捍禦惟查前撫憲桂
林陳公原辦案內前濬之陳梁河沙河等處均係勸用民力
按畝分工挑濬該河渠等現在有無壅塞何處尚有溝形何
處已淤成平陸除附近惠民溝橫河巴清河減水溝一帶溝

渠固應趁此挑通俾有歸宿他如誌載前濬幹支河道何者
攸關要害急切宜疏何者今昔不同較可緩辦合行通飭州
縣迅即查照單開各溝河親往相度體察與情應如何擇要
興修仿照乾隆十六年之例各按村庄田地分段挑築動用
民力之處通盤籌議繪圖貼說詳悉稟覆並田間舊有溝洫
亦須因勢利導俾與河渠脈絡貫通方可以資宣洩也務期
實力切勿揮煇

按歸德府為古豫州域周為宋國秦曰碭郡漢曰梁國魏
武立譙郡隋置宋州後唐改為歸德軍宋升為應天府金
改名歸德府明初降為州嘉靖間復為府


國朝因之領州一縣八自乾隆四十八年以考城遭河患遷
於河北堽陽改屬衛輝府由是歸德領縣七郡治在省之
東三百里東界江南徐州府蕭縣西界開封府杞縣南界
陳州府沈邱縣北界山東曹州府曹縣東南界江南宿州
亳州及太和縣西南界陳州府太康縣東北界江南徐州
府碭山縣西北界儀封屬廣四百七十里袤三百二十里
平衍四達南北要衝自古爭在中原未有不以睢陽為腰
脇之地者境內山惟永城之虞山碭山柏山稍為龍巖餘


皆童阜而已川則黃河襟帶其北他如於河十二道在郡之西南下達江南亳州太和蒙城諸縣者六在郡之東南下達江南亳州二州者六其源流脩詳前劄此外溝渠已散見於各縣圖內今於郡治復繪總圖以挈綱領焉郡所轄之商邱寧陵睢州路當孔道濱臨大河以修防為最要商邑北鄰曹縣風氣漸染蠶麥雖寧俗頗馴良而地苦沙瘠虞城亦以近河為患夏邑地本下下歲多水災永城東南九思寮田多荒且介在鳳穎蕭颺之間民情犷悍宜加意教養拓城比屋農桑其風近古惟當齊之以禮鹿邑地廣而僻人尚質樸土澤亦腴宰斯土者因地致治可弗知其要與

歸德府屬水道總圖

六

商邱縣水道圖





商邱縣水道圖說

歸德府商邱縣覆稟

查縣境舊有河溝三十二道自乾隆十六七年間興修十一
 道迄今未議挑濬歷久多淤更兼乾隆四十三年五十二年
 及嘉慶十八年間疊經黃水漫溢幹河尙屬照舊而支溝朕
 絡壅潰紊亂雖故老亦祇得其彷彿某惟就現在地利相度
 緩急期於因勢利導其間有故址無存而今可不用者有舊
 道不順須議改道者有形跡斷續施工較易者有查無舊溝
 形跡而村落低窪亦須倡議開通者以現有形勢言之計有
 幹河三道西南曰古宋河東曰豐樂河西北曰汝河皆斜趨

東南由鹿承夏亭達淮入海古宋河下游有陳梁汝河莫家河兩支漚流而徐家溝沿路溝安家河打堤溝誌溝利民樂利等溝附焉自黃水涇沒正西及西南地變高阜舊溝無復存者然有新刷溜道頗可借為援引暢然下達於古宋河十數年來該鄉屢慶豐盈並無水患是正西西南鄉各溝今可無庸挑濬也豐樂河雖只附睦鄰溝一道而正北劉家口以下之水借此疏通沙河地段甚長東南鄉之焦家溝蘆草溝

惠民溝新開溝皆附焉其地久未被水淤墊尚輕因利乘便易於為力所最要者海濠溝濟陽溝距兩沙河甚遠獨力直

商邱縣水道圖說

九

達外境所護村庄甚多以時濬通足資宣洩而河頭之鄧城口河南之塢墻集地處極窪水無去路及時挑濬乃懼民願至豐樂河以上亦須添抽溝道會歸益有條理是西北正東東南各溝議修議改議開難易不同而施工均不容已也其擇其要者如海濠濟陽兩溝先勸興挑又接虞城工段挑睦鄰溝旋據杜家集請挑蘆草溝均已如式告竣其未挑各溝或以甫成一工力難繼作或以村貧工鉅未克驟興然信而後勞斷則易入惟在提策有方籌畫得當似不致廢於半途此某查辦各溝已成未成之情形也總之地窪則溝為之利

河通則溝得所歸現在單縣三幹河雖淺深寬窄不同而自上下下尚能容納東溝倘皆一律寬深舊堤增築高厚豈惟消積並可禦黃至古宋河道通亳州有謂設開蓄水可以舟楫通商者然查勘河尾入溝河之處回壑勢如建瓴若求起訖平直計須挑挖一兩丈餘不等綿亘百里需費浩繁恐非民力所能罄就也

按商邱縣商以前為國唐封高辛子閼伯虞封司徒契即此湯遷都南亳在漢穀熟縣地周封微子啟為宋國秦始置縣名雖勝漢魏以後遞更其名或曰蒙或曰薄或曰穀

商邱縣水道圖說

十

熟或曰宋城至明嘉靖二十四年始以閼伯舊封改今名屬歸德府幅輿東西廣一百五十里南北袤一百四十里東至夏邑縣界六十里西至寧陵縣界四十五里南至鹿邑縣界七十里北至山東曹縣界七十里東南界江南亳州九十里西南界柘城縣六十里東北界虞城縣三十五里西北界考城縣六十里邑本平壤無山惟邱阜之屬於山者有商邱在城西南三里即闕伯臺楚邱在城北四十里即春秋時之宋邑滂邱在城北十餘里有碑塔明時圮於水穀邱在城南四十里即春秋時齊桓公與宋公會盟

之地川則黃河遶其後雖汴貫其中其餘溝洫津梁亦與
邑境係休戚焉以今之形勢論之有幹河三道一曰古宋
河自府城南門外城濠之引河計長一里至古宋集長十
二里抵趙口集有陳梁沙河源自寧陵界水池舖之高新
橋計長七十餘里斜趨東南來會之又馬家溝起自馬家
樓長十五里又馬三河起自曹庄長二十里又冀家河起
自賈樓長三十里又馬陽河起自馮家樓長七里均由西
北流至任清橋來會之又黃水新刷成河道起自商寧交
界觀音堂經毛潤推集至徐營從西北來會之共二十餘
里至鹿邑境阜子集達於亳州渦河又減水溝源自趙村
集入西城濠亦匯入古宋河又新開溝自郟城口起向由
減水溝計長二十三里今相度地勢須由東南斜下二十
餘里入郡北門城濠歸古宋河一曰城西北沙河源自黃
河大堤謝家集起至白衣閣岔分兩支出境計長一百八
十里西支下至營郭集入亳州之武河東支下至界溝集
入亳州之包河中受自穀熟集北來之楊家溝水計長十
六里又自王醋棉樓北來之蘆草溝水計長十二里又自
小高家營北來之惠民溝水計長十餘里又自黃塚集北

商邱縣水道圖說

十一

來之新開溝水計長十四里均先後匯入沙河一曰豐樂
河源自馬牧集之葉大庄至張紅樓出境北受睦鄰溝自
曹庄十二里來水南受民興溝從解樓十里來水共長二
十四里下入夏邑之渦河外此又有老黃河源自崔家樓
至周家集有城東北沙河自王庄來注之又至馮小集分
爲二支南由張家河岩北由馬頭寺出境計長一百二十
里下入亳州又海濠溝源自大高家營起計長四十五里
至王橋出境入永城之澮河又濟陽溝源自濟陽集起至
杜庄出境計長二十五里入夏邑之岐河是又徑達外境

商邱縣水道圖說

十二

以洩積水者也均宜分別疏通先其所急至於荒城戰壘
臺榭陂池今雖湮沒無存而名蹟流傳於斯爲盛如老城
在府治西卽桓魋請以鞍易薄地處蒙城在城東北四十
里國語云宋有蕭樂小蒙城在城南二十五里中有漆園
莊周嘗於此爲圃吏黃城在城西北新城在城南均春秋
會盟地龍元城在城西南三十里蒙熟縣在城東南四十
里皆漢故縣址梁園在城東卽苑園梁孝王所築平臺在
城東北二十五里亦梁孝所築一名雪苑臺臺在舊城南
晉殷浩遷姚襄於此清冷臺亦梁孝王築文雅臺在城東

南世傳孔子過宋與弟子習禮大樹下即此驪華宮梁孝王作與諸宮觀相連鴻慶宮在城西南隅為宋之原廟歸德殿在舊城內為宋南都之行宮照碧堂宋建於南都城上晁無咎有記竹圃在城東南世謂梁王竹園效學亭在舊城內宋王勝之建種軾題榜謬堤在府西城七里亦梁孝王築隋堤在舊城外三里築於隋即汴梁故堤也陵墓之足傳者上古則有燧皇陵在關伯臺西北帝善陵在城南高辛里有廟關伯墓在商邱上有廟伊尹墓在穀熟鎮有廟微子墓在城西南二十五里有廟唐雷萬春墓在城

商邱縣水道圖說

五

東一里宋杜衍墓在仁孝原趙概墓在天巡鄉王堯臣墓在平臺鄉張萬平墓在永定鄉明沈儼墓在城西十里廟之足傳者性善祠在北關外昔滕文公見孟子於此木蘭祠在城東南協忠祠在縣治北祀張巡許遠顏魯公祠在城東一里有八關齋石幢五老祠在西門外一里祀杜衍王煥畢世長朱真馮平雷將軍廟在城南三里即雷萬春面中六矢處邑之先賢以司馬耕原憲為冠他如名臣之最著者周有正考父宋子魚子罕樂祁犁漢灌嬰樂布申屠嘉韓安國桓典桓鸞橋元唐有魏元忠鄭惟忠宋有


戚綸揚大雅張方平李紘李師中明有徐永達潘禮宋繼沈觀余城周士樸葉廷柱侯執蒲侯恂侯恪子方鎮岳岩國朝之名官則有宋權其賢達之最著者周有司城貞子薛居州臧子漢有壺遂傅柏宋有楚昭輔許曠盛度王洙滕康儒林文苑之最著者漢有丁寬焦延壽夏恭桓榮桓郁桓彬唐有崔暉宋有石延年明有李嵩

商邱縣水道圖說

六

國朝有侯方域賈開宗宋筆隱逸之足傳者宋有戚同文趙俊忠烈之最著者周有仇牧孝友之最著者漢有韓伯俞隋有翟普林唐有程袁師宋有侯義卓行之最著者漢有桓暉武功之最著者唐有曹華宋有李緯死節之最著者漢有鄒揚枚乘枚舉嚴忌司馬相如申屠蠡唐有李勉高適宋有趙鄰幾杜衍趙概范仲淹仙籍之最著者周有寇先黑翟莊周烈女之最著者如宋伯姬鮑蘇之妻鮑女宗樂羊子妻魏木蘭女是皆先後光昭史冊雖顯晦異迹而名節同歸不朽地以人傳有足多者

寧陵縣水道圖



寧陵縣水道圖說

寧陵縣覆察 署知縣沈項縣丞汪瑚順天宛平縣人

前奉檄飭勘境內水道源流遵將顯示誌載圖形周歷各鄉相度諮訪耆民僉稱自乾隆四十三年及嘉慶十八年黃水漫口淤墊遂致河勢變遷無從稽核其現存河道查有陳梁河在縣北十六里係舊有坡河上截自劉子花庄至三章寺俱淤成平坦其下截自天齊廟至董樓入商境關庄尚屬通暢計長四十三里又五里堡河即馬三河自睢境蔣父樓入境由白廟五里堡東南流至賈家樓一帶長八十七里入商境臨河店匯入宋河至亳州又分一支由小呂庄東流至縣

六

寧陵縣水道圖說

七

西門有新刷溝水自喬柳行庄北來會之西至小潘庄止又舊沙河在縣西十里舖卽今之十五里壘河自睢州洪庄至韭菜園入境經鄭樓呂集匯入冀家河計長五六十里冀家河在縣西南十五里自睢州交界平樂村起下達商境周店止計長三十五里又張弓河在縣西南三十里自睢州黑張庄起入境歷張家橋南達柘城縣境戴口止計長三十里又魏路口河在縣西北二十二里自睢境黃家道口入境歷韓庄至王大庄分一支正南至萬集入陳梁河計長十里又一支東南流由范庄至趙村集東入商境之侯庄計三十五里以上河渠六道舊址猶存若誌載之何家窪溝在縣東十二里自何家窪起由桃家庄李家庄入商境之馬沈庄長七百五十丈呂家窪溝在縣南十五里自呂家窪起由王家庄至史家埝長九百四十丈郭家樓溝在縣東南二十里自郭家樓起進入商境西南賈家河長一百八十丈均已淤墊並無溝形惟縣之北關於嘉慶十八九年有黃水新刷溝河一道自睢州蔣坡樓起入境由翟庄喬柳行庄郭大庄至五里壘之王關庄張則庄計長四十八里該處一帶周圍六里地勢低窪如遇夏秋霖雨每有積水又迤東南至十里舖計長七

百二十丈又東南至曹家集計長三百六十丈淤塞已久微有溝形而已若能挑溝深通由崔家庄以下入商境之觀音堂西南坡河匯入宋河實有裨於宜洩

按寧陵縣夏為葛伯國戰國時為衛陵屬魏漢始改今名東漢東魏更為已吾隋開皇元年復置寧陵縣宋屬應天府即今歸德廣三十八里袤七十里東至商邱縣界十八里南至柘城縣界四十里西至睢州界二十里北至考城縣界三十里無山川之勝當陸驛之衝北臨大河地勢平坦所隸睢寧一帶堤防沙土性鬆數十年來頻遭河患地

寧陵縣水道圖說

六


瘠民貧亟宜休息邑之名蹟縣西北七里有大棘城又北七里有沙隨城北十五里有葛城為古葛伯國西南二十里為已吾縣舊城故址南關外有睿王城西五里有甘露嶺隋文帝幸岱至此甘露降東八里有黃龍井甘露四年二黃龍見於井中北三里有聖水井相傳唐太宗東征過此三軍渴甚有婦人攜二汲水桶士馬數萬飲之不盡俄失婦人所在視二桶則雙井也今淤沒其一仍存一井其水甚甘鄉人瘵疾禱雨多應焉獲以亭名曰聖泉東十里

漢有田王孫葛襲張遷夏侯訢唐有劉思立劉憲五代有劉熙古劉蒙正劉蒙叟宋有程迥明有喬恕呂坤王印喬進璠諸賢嘉言懿行皆散見于史冊至於誌載河渠如苗公河睢河韋家河桃園河八里屯河陽驛河其名目俱不可考以境內濱臨大河屢遭水患遷徙靡常故也若再置之不議將遺址全湮殆不可復爰囑汪署令璠親歷察勘載畧如左以待後來者之興舉焉

寧陵縣水道圖說

九

永城縣水道圖



永城縣水道圖說

勸永城縣查勘巴溝河楸

查歸德一郡民氣強悍好勇鬪狠而永城一縣為尤甚蓋緣
鄰近江南之宿亳蒙城蕭颯等州縣相習成風罔知顧忌一
言眦睨動輒操戈甚而結會要盟搶賣婦女種種不法莫恤
身家此等惡習豈是性成昨本府以捕蝗親臨該縣北鄉見
田地大半荒蕪居民極其窮苦詢問鄉農俱以該處巴溝河
為郡之諸水下游上承虞城夏邑之水下達安徽宿州分東
南二流一為南股河一為濰河前宿州於嘉慶二十三年已
將南股河挖通惟梁家壩以西及永邑巴溝河仍舊壅塞每

遇夏秋霖雨泛濫為殃彌望田禾俄成巨浸故民皆棄地不
治率眷逃亡年復一年并牛債無資購具殊堪憫惻竊思饑
寒切于民之肌膚必須衣食足而後禮義生今該處小民輕
去其鄉迫于饑寒自以性命為不足惜守土者正本清源養
而後教是其責也本府洞察民艱憂心如憐欲其種地謀生
先須挑河治愚文到該縣迅即查照前發范秉文等呈批事
理吊核乾隆十六年前陳中丞宏謀奏請勸
帑興挑原案履勘該河道現在情形是否壅塞何處應急切
先挑何處應次第續挑均須細心確切采訪雖

永城縣水道圖說

三

國家經費有常現屆江南高堰大工畢舉原不能因一隅之
利澤遽行請

帑興工然實保民命攸關地方官亦不忍束手坐視該縣務
即親往查勘相度情勢計量寬深丈尺並體察真情能否動
用民力分段興挑抑或前曾勸

帑項與辦者此時仍須官為經理之處亦必詳悉妥議繪圖
貼說稟覆察奪切勿諉諸吏役率稟塞責

按永城縣春秋時為太邱漢始置邑為芒縣隋改今名東
至安徽宿州界五十里西至商邱界六十里南亦界宿州

北至江南礪山縣界七十里西南界亳州東北界蕭縣西北界夏邑縣縣北有礪山為漢高所隱處廟址尚存山之東有虞山亦名漁山昔有人隱釣於此境內之澮河包河白洋溝巴溝河減水溝皆為幹流又岐河虬龍溝係歸巴溝河大澮溝曹溝係歸澮河此現在之河溝也減水溝志無其名疑即縣北二十里之小河以地考之近是至志載之小澮溝趙溝王溝太小清溝利民溝沙河溝雙鳳溝界溝曾家溝洪淤溝均入澮河小引溝入巴溝河拖纏溝堂溝桃種溝黑魚溝均入包河洪渠入小河皆淤成平地恢

永城縣水道圖說

三

復不易今且待之若邑之名勝礪山西南壁有夫子巖世傳夫子避雨其中前人肖像於壁至今廟祀又有拜將臺為漢高拜將處鄗縣城有蕭何廟與墓及造律臺為何造律處縣治東西即汴河故道有隋堤為煬帝所築名宦則漢有陳實宋有張思立人物則宋有曹彬曹煒趙瞻是皆史冊之最著者因并記之

再論永城縣議潞巴溝河白洋溝墩

查永城縣巴溝河源於商卯之豐樂河由夏邑响河入境會岐河小引河自西至東九十四里至江南宿州界歸於澮河來源浩瀚而縣之東鄉窪下適當其衝近因巴溝河淤墊不能容納泥運以致積潦難消田地率多荒廢不治前飭該令查勘籌議興挑俾除民患茲據勘估上自永夏交界朱家橋起下至永宿交界梁家壩止計工長一萬六千九百二十丈探量水深二三四尺不等大約西深於東至大王廟草橋以達梁家壩一千四百餘丈俱淤成平地是下游已全壅遏宜乎水無歸宿氾濫為殃亟宜疏濬以順其軌惟查原底寬八九丈至十丈口寬十三四丈不等道路既長若照舊址挑挖未免工費過鉅且河水源頭究非山谷驟漲可比口面本無庸如許之寬只須挑挖深通使得宣洩即可無患自應相度情形以底作口或於河內抽溝以寬五丈為率不必仍其舊址總須上下淺深均平劃一如上深四尺者加挑一尺下深二尺者宜加挑四尺之類俾令自上而下勢若建瓴其尾閘淤成平陸處所尤當格外挑深暢其去路似此辦理則經費所省實多而水道亦不致於阻滯本道前在省時曾將查辦

永城縣水道圖說

話

情形面稟


撫憲極蒙許可諭即通查兩岸田畝各戶動用民工分段興挑此外尚有田已荒蕪有業無主者該段挑費擬在藩庫籌款給辦毋庸送部報銷是


大憲之念切民瘼曲加體恤真無微不至本道量移河朔倦倦於懷該縣務宜轉切勸諭趁此冬春農隙趕緊興辦切勿觀望延挨廢然而止倘民力實無從出聞款卒無可籌或不能全河通治其開家橋至梁家壩計長三千一百八十八丈為是河歸墟必須設法首先疏浚不可緩也至該縣之白洋溝永城縣水道圖說

靈

自城濠南出元領橋至尹家橋計長四千七十四丈有奇又西接亳州水源之滄河經薛疇橋板橋至李家口東入江南宿州境計長四十五里此河一經通暢西達亳州東至宿州舟楫往來最便商賈且該處所產金針菜行銷甚廣河通則貿易皆遍地方自有起色既據該商民踴躍樂從即須因利乘便及早興挑百姓養而後教該邑習尚強悍固本於氣質未盡淳良亦由於貧瘠而無恒業若能籌濬二河以贖其生再為舉行保甲以伸其教必不終於梗化將見於變時雍該令有父母斯民之任責無旁貸善必果行竊為引領而望

鹿邑縣水道圖





鹿邑縣水道圖說

批鹿邑縣覆稟

據勘河道源流繪圖貼說極爲詳細查該縣境內水道縱橫
 宣洩之處既多且廣內如黑河中心溝晉溝上洪溝皆歸茨
 河東南至潁北入于潁河又練溝河豬嘴溝包心溝向溝中
 心溝下洪河馬杜溝栗林溝蘆家溝桑家溝黃花溝皆歸於
 清水河南入亳州之淝河又藍河洪義溝梅家溝晉陽溝古
 沙河巫家溝西薛家溝葛須溝黃古溝厲家溝胡家溝一里
 河三里河八里河三丈溝急三道河廣亮溝瀨鄉河或出白
 溝河匯歸於亳州之趙王河或分派于張庄正家集匯入亳

州之白河又許家溝十里溝永利溝岔河田家溝康家溝完家溝北清水河各水俱匯於渦河至楊屯庄之楊橋入於亳州之渦河又西明河自汲家集起計長六十里下入太和縣境又惠濟河上承中牟賈魯河來源北受史家柴家楊家朱家等溝陳家河柳河代家河葛家溝諸水至楊屯庄東與渦河會流由亳州北流入於淮又月河溝葉家溝利民溝聚子河亦匯入亳州之渦河大率以茨河清水河白溝河西明河渦河惠濟河六水為幹流而茨河清水河渦河惠濟河四水又為幹中之幹者也惠濟河之來源尤遠苟能復中牟賈魯鹿邑縣水道圖說

天

河故道經汴梁杞縣睢州柘城至縣境下入亳州渦河以達於淮則豫省與江南舟楫可通商賈集腋今之正陽關至朱仙鎮一帶水道更為捷近雖創始不易而利濟廣遠不可畏難現在各幹河惟茨河清水河白溝河間段淤淺餘尚深通此外支港溝渠率多壅塞既經該令諄切勸諭務令農民各按田畝附近之處分段挑濬以己之力治己之田定可著有成效且惠濟河渦河清水河茨河為幹中之幹所關甚鉅若不能一律疏通以匯歸衆水亦非順水之性也如謂經費重難以諸河並治亦須先其要者務於國計民生均有裨

益惟賢有司實力圖之是禱

按鹿邑縣周為鳴鹿又曰苦縣唐更今名屬亳州明嘉靖二十四年改屬歸德郡東至江南亳州界二十里西至太康界二十里南至沈邱界八十里北至商邱界六十里東北界夏邑西北界柘城西南界陳州東南界江南太和境內東十一里有隱山為陳搏煉丹處山側有希夷臺舊時黃河自明嘉靖中北徙後無復河患其他幹支諸水具有源流果能歲事興修足資宣洩固沃壤也况其間名宦鄉賢後先輝映官斯土者唐有張睢陽忠烈膾炙人口宋有

鹿邑縣水道圖說

天

張子野歐陽公會為志墓銘若邑之人物杜史周昉其首著者下而漢之虞詡晉之陳頤焦保宋之陳搏魯宗道田京明之李泰軒輓王堯日閻夢夔諸人亦皆光昭史冊卓然千古賢家其古蹟流傳而今無存者如項王之垓下漢光武之思陵臺太清宮前之唐建鐵柱老子手植之仙榆一統志載之魯秋胡墓並漢之汲黯墓陳思王墓虞詡墓碑唐隴西夫人墓九龍取水浴老子之靈湫池漢邊韶誤蔡邕隸書及唐房白謙李昇卿等所撰老子廟碑唐呂獻誠隸書老子聖母碑漢溫令許續碑晉中散大夫胡均碑

皆亡之矣。惟城內東北隅之昇仙臺為老子飛昇處。又東
十里為老子所生之地。曰太清宮。又洞霄宮西之老母墓。
遺墟宛在。歷劫不磨。好古者過此。猶神往於澗河丹井間
焉。


鹿邑縣水道圖說

辛

虞城縣水道圖

虞城縣水道圖

巳



虞城縣水道圖說

批虞城縣覆稟

前因惠民溝橫河業經

奏請興挑將次完竣飭查附近溝河有無淤塞應遵照成案
 勸用民力挑挖順溝通河以除水患茲據覆稱該縣境內永
 豐溝洪金溝高皇村溝係歸入坡河又小引河溝杜家樓溝
 係與坡河均歸惠民溝又三里河係運入惠民溝又永便溝
 係下達商印之豐樂河均經勸諭農民按照地畝分段挑挖
 六餘各溝渠俟冬閒農隙時一律辦理查該縣幹河既已挑
 挖深通亟應將四鄉未濬溝渠順路挖濬順濬通溝俾積滯

有所歸宿不致氾濫為災其效定可立見該令務須始終不懈鼓勵農民實力同心上緊趕辦切勿圖目前地頭小利致貽日後淹沒大害地方官於此等事但能開誠布公剖切曉諭俾知官之所為係為民而非為己未有不如響斯應者何時挑竣及所挑各溝名並寬深丈尺仍隨時稟覆備查

按虞城縣夏禹受舜禪封舜子商均於此國號曰虞從舜舊也周成王時封微子於宋虞遂為宋地漢始置虞縣宋太祖升歸德為應天府以虞城屬焉誌載孟渚澤在舊縣西北即禹貢之導薦澤被孟渚是也又空桐澤在縣五里

虞城縣水道圖說

三


即左傳朱景公遊於空澤是也今俱無其址惟惠民溝下達夏邑巴清河永便溝下達商邱豐樂河橫河下達礪山縣雖為縣之幹流而均起於本境並無來源餘如小引河洪溢溝永豐溝坡河支溝三里河溝祝塚村溝杜家庄溝屈家橋溝太平橋溝張家庄溝祝家樓溝杜家樓溝黃家窪溝高皇村溝曹家廟溝宋家廟溝宋家庄溝丁梁窪溝范家庄溝又皆於三幹派是歸農民開以洩田間積水今大半淤成平陸已為擇要興挑至邑之古蹟有蒼頡墓又衛侯輒之靈臺又西臺為漢高帝將臺又梁武大治宮室

其園曰兔園均在縣治之西面又西南三里許有商均古墓遺蹟猶在縣東南義原西村有綸城昔少康自有仍奔虞虞思妻以二姚而邑諸綸即此其前代名臣則唐有盛彥師劉師立宋有王堯臣趙槩明有沈鯉楊東明諸人文學政蹟皆堪表式閭里者因併記之

虞城縣水道圖說

三

夏邑縣水道圖



夏邑縣水道圖說

諭夏邑縣查勘溝河楸

查該縣境內幹河四道皆由西而東一曰岐河源自本境之
 二呂團村計長六千三百丈東至响鈴村入永邑之岐麥溝
 匯歸於巴溝河一曰响河源自商邱豐樂河經營盤集村入
 繞至孟家橋口有毛家河起於八吉村計長七千二百丈自
 西北來會之經大小胡橋至朱家橋計長一萬二千一百九
 十八丈下達永邑之巴溝河一曰小引河起於會里村觀音
 閣中受三岔河水自西北出花石橋來會之經黃家余家等
 橋至虬龍橋計長六千四百五十丈下入永邑之虬龍溝匯

夏邑縣水道圖說

歸於巴溝河一曰巴溝河源自虞城之惠民溝中受桶子河
 水自橫河北來會之由司家夏家韓家各道口至王家屯礪
 山交界止計長七十餘里下入永邑之城水溝此皆夏邑之
 幹流也該縣有此四河分隸各鄉其洩水之區不為不廣此
 外四鄉溝澗若主順濠通溝順溝通河之論各按田畝分段
 與挑荷何虞水之泛溢為患况巴溝河現已疏濬深通沈公
 堤後培築堅固惟响河岐河小引河之隸在南境者尚須逐
 段履勘是否間有淤塞有無積潦病民必得一律疏通抑或
 先擇其要者興修亦可該令前辦溝工頗能實心經理務曉
 諭農民勿憚勤勞各衛田畝與其望洋而歎何如思患豫防
 幸勉為之母忽


按夏邑縣周為宋地秦置縣屬碭郡西漢為下邑三國時
 為己吾縣明始改今名東至江南蕭縣界六十里西至商
 邱界三十五里南至永城界三十五里北至虞城界三十
 五里西南界鹿邑東北界江南礪山西北界山東曹縣境
 內之無影山黑虎澗久已淤成平曠東南三十里有隋堤
 隋煬帝所築高阜處猶約畧可辨北三十里有譙城楚平
 王所築晉祖遜屯兵於此北十五里有孔子還鄉祠相傳

其先世居此嘗過宋以祀先塋至今春秋祭如廟儀焉又杏壇碑在文廟前明宣德中掘土得之有古篆杏壇二字燬於火斷石猶存東南三十里有朱買臣墓考漢朱買臣墓應在柘李叢志謂爲五代朱買臣近是若邑之人物則漢有平當三國有典韋北魏有李彥宋有李惟清明有陳世恩陳陞梁鼎賢諸賢彰美於前宜其衣冠秀壘遺澤之有由來也

夏邑縣水道圖說

美

睢州水道圖



睢州水道圖說

批睢州覆稟

該州境內河渠有惠濟河一道西自杞縣之趙家樓入境至柘城縣范家樓出境止計長八十四里又十八里河一迤自儀封固陽庄入境起歷田家庄入寧陵縣界止計長一百二里乃州之幹河他若諸河溝水之灑于惠濟河者有九條皆州之支河一橫河西自譚家屯起下達橫河口長二十七里一司家河西自陳家庄起至郭八庄長六十里一姬家河西自本境石家庄起至平岡長七十里一蔡家橋溝自蔡橋至郭八庄長二十里一寄崗集溝自北而南計長二百丈一鹿

家河自羅家庄至尙屯東長三十五里一婁家河自李家庄至五空橋長三十里一王烟河自羅家庄至五空橋長十九里一康河自東城濠至李家橋長十里是九條皆匯歸於惠濟河無不出達旁通宣洩有備故曩日稱沃土焉自乾隆四十六年馬家店漫口河漸塞道嘉慶十八九二十年叠遭隄汎漫溢之患已爲黃河淤成平陸矣鄉民佔種田此彌望黍禾形跡莫辨查惠濟河上自中牟縣賈魯河分流下達江南亳州之渦河源流最遠利澤尤長乾隆六年開濬之初題請每年動藩庫耗羨銀四千兩爲各州縣歲修可謂慮遠

睢州水道圖說

望

思深慎終於始乃滄桑轉曉歲久不治黃水決後無所歸宿能不汎溢爲災乎使其寬廣深通一如舊制未必不能消納滙注藉補救於燃眉也今溝河舊址全湮勢不可復惟惠濟河形微露尙有十之二三亟宜履勘明確核實估計雖一時需費無出而經營荒度有開必先或以爲後來嚆矢也可

按睢州秦名襄邑屬碭郡兩漢屬陳留金始置睢州以城北六里有睢水故名嘉靖二十四年改屬歸德郡西至開封府杞縣七十里東至寧陵縣五十里東南至柘城縣九十里南至太康縣九十里北至儀封縣九十里東北至考

城縣九十里其山川之見于誌者有恒山駝崗有梁孝王所築之濞堤嶺有睢水渙水波紋五色又城南六里之汴河卽春秋戰于泌之地今皆湮沒蓋以黃河南泛後洩噴淤漲故也至古蹟如黃門亭卽小黃河爲漢高祖起兵時荏母之處又舊城內東北隅米襄公之所築襄臺臺前有詩話樓卽許彥周故居又縣北二十里之寧崗相傳孔子鼓瑟處縣西北三十里有尹店村爲伊尹遊息處又東澗爲慕容容垂追桓溫戰勝之處城北三里爲張師德清香館舊址舊城西北濠外有乾明寺寶壘亭昔蘇東坡適嶺表


睢州水道圖說

望

曾宿於此書洞庭春色中山松醪二賦亦俱無考惟鄉之名人不朽者漢有唐秉卽東園公爲商山四皓之一魏有衛臻晉有衛京襄宋有郭贊張去華張師德鄭雍許安世許翰許忻元有孫德謙明有李孟賜蔡天裕劉國翰曾邦彥孫坤

國朝有湯斌皆勲名赫奕至今彪炳人寰信乎陵谷有變而盛德至善雖沒世而民不能忘也

柘城縣水道圖



批柘城縣覆稟

據勘圖說條分縷析且見實心任事查該縣幹河三道應以
 惠濟河為宗其老黃河及沙河俱附惠濟河併由鹿邑入亳
 州之渦河者也既經勘明三幹河自嘉慶二十四年後兩經
 黃水刷濘歸槽昔患淤塞者今俱深通誠天予之機其餘溝
 道則惟三幹河是歸至於李鐵集溝今擬於仵家集挑濬至
 鹿邑蔡家橋止明淨岡溝現於王毛桃庄議開至鹿邑董樓
 止胡襄集溝現議自夏寨起開至商邱十字河止是三水者
 又於前三幹河之外各有源流者也譬如人身咽喉既通尾

閭宣暢再為寬其腸胃則一應吐納自可過而不留果能循
 照順路挖濠等議將幅內溝渠因勢利導實力同心一體疏
 濬較他邑尤為見效雖小民每難於圖始然明白開導信而
 後勞亦必踴躍輸誠不日成之也務即查照單開地名相度
 形勢令於冬間農隙之時各就窪地處所順路挖濠順濠通
 溝順溝通河以期脈絡貫通家肇易舉勿因田頭地角圖利
 無幾致為積水淹沒所害者大且一經大水道路阻隔往來
 車輛勢必假道田間其踐踏之田禾矣啻倍蓰孰得孰失試
 論農民詳細思之

按柘城縣春秋時屬陳秦置柘縣以邑有柘溝因名唐永
 淳元年名柘城五代時屬歸德東至商邱界四十三里西
 至太康界四十里南至鹿邑界十里北至寧陵界四十里
 東南界亳州西北界睢州境內無山其水之幹流有惠濟
 河一道自睢州上朱橋入境至官橋濶沙河經兩河口與
 老黃河合流計長七十一里出鹿邑境由亳州過河達于
 淮又沙河一道自太康縣皮庄入境至官橋與惠濟河合
 計長三十里又老黃河一道自寧陵縣張家橋入境至兩
 河口合惠濟河計長七十二里至褚岡寺壘雙廟柴溝白

濟坡窪舊店溝則惟惠濟河是歸伯崗寺溝李灘店窪則惟沙河是歸橫溝慈聖溝八里營窪馬劉橋溝姚庄窪則惟老黃河是歸皆河之支派又黑里窪自太康洪河入境中受姬庄來水長十五里流入鹿邑之胡庄又山臺寺窪東南十五里經鹿邑境至淮寧縣楊庄入惠濟河又仵家集溝自李鐵集中受官庄窪來水計長四十三里流入鹿邑之蔡家橋又明淨岡溝自王毛桃庄起長三十七里沉入鹿邑之董樓又胡襄集溝自寧陵夏塞入境起中受開花店來水計長六十五里入商邱之十字河又明河在

柘城縣水道圖說

渠

縣城東上接商邱溝尾仍入商邱境是則各有源流者也溯黃河之嚮由寧城南入澗河至亳州而抵荊山口其故道有二元明及


國初時尚漸入柘境自乾隆年間河南徙後始不為患民居漸定登祗席矣至邑之人物除魏之梁習元之陳思濟明之寶如珠外見於典冊者甚少其名蹟則三國誌載曹操封武平侯柘為其采邑左傳宋及楚戰於泓即今縣北之泓水又城西北四十里匡城相傳子畏于匡即此劉家溝為子路問津處城東三十里有吳起臺西北二十五里有

楚王臺霸風藏里寺為項羽藏兵之所又歇鶴亭者二水鶴於此又城西北三里有雙塚為長沮桀溺墓誌乘所載非盡無據今則一望平蕪遺跡多不可考

柘城縣水道圖說

渠

重濬冀夏永三
縣昆連江南蕭
碭二邑水道圖



虞夏三縣水道圖說

擬承夏虞三邑溝河挑竣善後事宜

查承夏虞三邑溝河前因歲久不治淤佔成田每值夏秋雨
水靈霖輒有氾濫之患現蒙

撫憲 奏請籌款興挑西由虞城惠民溝橫河經夏邑之巴

清河永城之城水溝東至江南蕭縣界止計虞城縣惠民溝

自胡家樓起至秦家庄止工長八千五百四十丈又橫河自

京塚寺起至虞陽交界止工長九百七十八丈共佔土十三

萬五千四百六十餘方夏邑縣巴清河自衙子圍虞城交界

起至丁家庄礪山交界止工長一萬二千零三十七丈又補

馬

虞夏三縣水道圖說

手

築沈公堤缺口內顧家堤馬家灣孔家堤劉家堤鶴蠟梅潭
連家潭黑龍潭毛家潭程家潭三岔河十處工長七百四十
六丈共佔土二十四萬三千八百三十餘方永城縣城水溝
自礪境王家莊起至蕭縣交界之毛家橋止工長五千六百
七十丈又補築沈公堤缺口內興國寺王家潭郭家潭李家
堤祝家堤祝家庄祝家灣六處共工長二百六十六丈佔土
十八萬一千八百七十餘方除三縣各村民自願挑土十萬
六千六百八十二方不計外實佔土三十九萬七千二十七
方又承夏二縣堵築缺口堤工十七處並佔做防風二段共
佔土五萬七千四百五十八方統計土該估例加價銀六
萬九千九百二十五兩零均一律疏濬深通順軌下注設遇
積潦便可不致為災惟溝河之水本無來源夏秋則盈冬春
即涸該地鄉民多於兩岸侵墾地畝或牽車過河致岸土坍
卸河內日漸淤積恐不數年間仍復壅塞如故前功盡棄殊
可惜也應請議立善後章程預為防範飭縣將各段所挑寬
深丈尺刻於小石碑之上按段訂立一面出示曉諭沿河兩
岸墾戶見有坍塌之土即責成隨時挑築勿任積久淤高致
糜工作該縣每年訂期十月親往查驗如於碑勒丈尺之內

土鉛河淤卽傳沿河之地戶押令賠補第不准格外加派挑挖致滋擾累各縣亦不得轉委佐祿及吏役往查以杜需索並嚴禁牽車過河違者拿究似此辦理在沿河墾戶就近照料墾墾築不過舉畚之勞而各溝河歷久常通自不虞其阻遏矣。

虞夏永三縣水道圖說

手

道光五年四月下澣風生抵歸德任三日以所隸永城縣境有蝻患亟往捕之遍野萌生間地滋延數十里予曩所至江浙地方罕見此物欲稽案牘以求成法而迄無存者茫乎若迷無可措手乃周歷郊原察訪輿論以所言試行之相度情形繼之以思居兩日章程甫定而未捕盡之蝻已日漸生翅其前議捕法又須隨時變通矣經兩旬之久幸得搜羅殆盡禾稼無傷而不才殫心竭慮遇一未嘗閱歷事輒覺無所適從亦殊自忝何可推以及人然施之則行正不得不告諸來者思患預防以余之臨事傍徨爲鑒若夫耳目所未及固以

宋州從政錄

不知爲不知也是役也鳳生與前署府福太守祥董其成主

之者爲著永城令高槐業分任者爲府經歷梁淳商邱縣丞汪廷儀夏邑縣丞劉廷誥試用縣丞崔念祖縣教諭李賈訓導王瀚臣試用未入流程步要吳端章例得脩書

道光五年癸未夏五歸德郡守婺源王鳳生識

河南永城縣捕蝻事宜

一設廠十處每廠人夫或二百餘名或三百餘名不等每名每日夫工大口二十文小口十六文又府指賞錢每名十文各廠派一委員監督此捕初生之蝻則然迨生翅為蝗圍捕無益各廠之夫仍如前數不給夫工飭令自捕按劬給錢二十文收買其錢較夫價雖多而能收實效因時制宜總以勿惜費勿虛糜為第一要著

一委員派定何處須於該廠就近處所住宿以便齊集人夫早作晚散免致往返就延

宋州從政錄

一早晨人夫未到之先委員即督率地保看定蝗蝻聚集處所插立紅旗竹桿為記並每廠專派人夫四名即於標記之下風處所用鉄鋤木鈹挖掘深溝如月牙式其溝須寬長而深為要

一人夫齊集飭令一字長排站立溝之上風對面約距里許鳴鑼為號聞聲即一齊動手平處用巴掌撲打凸凹處及草深地用柴帚驅逐迨漸撲漸近再圍成大圈羣驅而納諸溝內先將溝底畧鋪草穭俟蝗蝻跳入溝中復加草穭火燒之燒畢填土夯築使堅又令人夫站立此溝之外另

掘一溝如前法辦理自有蝻之地起至無蝻之地止勿使稍有遺漏打完後恐未淨盡再如前法折回復打如先由西至東者後則由東至西經兩次搜捕便可無留餘孽其巴掌柴帚須飭地保預先論知人夫各自攜帶並每廠每日買穭草二三担備用

一廠地每人夫五十名派一差役執旗管轄如該廠人夫二百名即派差役四名執旗四面由此類加勿使散亂無紀旗上寫差役花名領夫若干俾易稽察并每廠派一家丁總理以資督率

宋州從政錄

一每廠各備寬長蘆蓆一張兩旁以竹桿繫之釘立溝外遮護再用黃旗四面派四人分勢站立蓆旁不時揮拂仍借脩魚網三張蔽於下風處所勿令蝗蝻飛竄

一收買蝗蝻每劬若干錢於何處秤收須於各廠公寓門首並各村鎮集市用小告示遍貼曉諭各委員仍帶秤一桿赴廠隨時隨地收買勿令等候候現今示已十厥兩旬之間除集夫撲限焚埋外共收買蝗蝻二萬壹千餘劬

一捕蝗人夫勿令擁聚一處須開三尺站立一名則踞地寬而收效廣不致虛糜人工遇有未割麥地及秋稼滋生處

所只令用掃帚驅逐使前納諸溝內不可用巴掌撲打致傷庄稼。

一各庄有蝗地面過廣四散零星驟難等盡應於設廠雇夫撲打之外並出示曉諭村庄飭令各地戶自將該地內所生蝗蝻乘黎明帶露蝗翅難飛時無論男女老幼同出捕獲並挖搦蛹子就近赴廠收買每勸給錢二十文該地戶等既保庄稼又得錢文何樂不為眾擊易舉自可捕無遺類仍將告示緣由摘叙粘貼於高脚木牌之上飭各地保捐牌挨庄曉諭限以日期搜捕淨盡如逾限臨驗何地有

宋州從政錄

四

蝗節提該地戶及地保責處並令地甲等一面將所管各地分晰查明何地係何戶所種計若干畝寫於木簽內就地釘立以憑識認稽查第蛹已成蝗方可以此法搜之若初生如蠅遍野跳躍仍須集眾圍捕又非捉所能為力也

一蝗已生翅若以前法築溝圍捕率多飛逸又須變法捕擊應令委員督差保先勘明該廠有蝗之地共有若干畝自某處起至某處止通盤畫計分作若干段每段作為一起其四面寬長桿繩為記令各廠人夫散於該地挨步前進

沿路搜尋見即撲捉各携一袋收貯在內候袋內貯滿即赴就近廠所按勸給價收買其甫經撲限者亦一體收之再令前往復捕儘一日之長獲多者錢多獲少者錢少定可勵勤惰而收實效勿庸另給夫工惟所獨何方必須按段循序撲捕不准間斷一處免致有丟東遺西並蝗蝻蔓延四散之患。

一永邑地畝與安徽宿州境內犬牙相錯彼處蝗蝻未滅一遇順風即逐隊竄入本境畛域難分現於交界有蝗處所一律開挖寬溝並沿溝設立窩堡每堡派夫役五名住宿

宋州從政錄

五

給以燈籠隨時堵捕堡外插立黃旗旗寫堵捕竄蝗字樣一飛蝗經過最易生子無論土地堅鬆皆能深入惟所生處必有小圓洞如蘆桿大即於其下深掘之必得蛹子至次年立夏後十八日蝗蝻便欲萌生州縣應先期曉諭各鄉留心查看慎之於始上年積淹之區魚蝦產子次年涸成陸地若無冬雪亦能化為蝗蝻黃色者係魚子青色係蝦子須立夏一月後方生非比蠅子可以尋踪挖搦惟責成地保隨時稟報。

一鴨子蝦蟇能食蠅子須勸該農民多畜鴨鴨勿捕蝦蟇亦

消弭蝗蝻之一法至烏鴉最能食蝗勢難招之使至也

一世知蝗神惟奉 劉猛將軍考之常州郡誌載康熙癸未

年間吳中傳有婦人趨柴船行數里欲去自云我乃驅蝗

使者卽俗所稱金花娘娘今年江南該有蝗災上天不忍

小民之食命吾渡江取烏雀以驅蝗蝻可遍諭鄉農凡有

蝗來稱吾名號卽可除倏忽不見繼而常州一帶果有蝗

從北來鄉農書金花娘娘位號供奉賽蝗卽驅除等語

有蝗處所當奉行以祈禳之

一蝗蝻初生原易撲滅無如地保恐令派夫撲打及官役下

宋州從政錄

六

鄉受累率多匪報卽農民等或因春花未割或因秋稼在

地一經集夫圍捕必遭損傷而初生之蝻甚小所食庄稼

無多得雨仍可長發延至蝻已生翅卽可高舉遠颺害在

他方與本境轉無大碍故亦隱忍不言惟在州縣嚴飭地

保實力稽查如有前項等弊立提重懲

一地方報有蝻生州縣務卽親往周遭踏勘有蝻之地其若

干畝速於無蝻之處四面挑築寬溝爲界勿使蔓延一面

集夫悉於溝內撲捕自易竣事

一飛蝗過境落於地內須集多夫散打不必圍撲致令飛逸

或用網張更易就獲總以就地多設廠所收買使人自爲
力各有所圖自必踴躍從事

一飛蝗過多撲捕不及應於田間牽一長繩上繫銅鈴一人

挽繩動搖聲响可驅之使去如過境而未落地則羣起鳴

鑼放鎗及施放炮竹驅之庶不致爲災

一飛蝗最忌油食應飭各鄉農以水和油遍洒禾稼之上可

保無虞

一地方官捕蝗隨從人多凡差役轎夫應各製巴掌一根給

與隨帶諭令見卽撲打以錢收買亦不無小補

宋州從政錄

七

一捕初生之蝻必須集衆圍打驅諸溝內燒毀及其生翅能

飛則以圍打之夫晝段飭令散捕若捕剩無多零星四散

卽責成各地戶自行撲捉三者勿紊次序亦無難於淨盡

也

一飛蝗落地處所可於日間挖一圓大深坑內貯麥稽柴草

昏夜舉火燒之俾飛蝗見光自行撲於火內較省人力

一捕蝗之法固以收買爲最善然本境與隣封俱有蝗蝻若

鄰封並不收買難免鄉民混以鄰蝗賺買錢文雖畛域原

可無分而舍己私人究應先其急者故設廠須各就有蝗

之地查察方周且有等奸民將廠內已撲隕之蝗及樹葉
土泥攙雜袋內希圖加重者秤收時不可不驗有則懲之
其收買之蝗彙集一處卽就地築一深坑燒燬填埋以免
淆混。

一蝗捕將竣則捕者愈難然必爭盡根株始無遺孽其時收
買之價或須酌量加增俾鄉民得以嚮往捕獲第須查驗
本境各地蝗蝻實係稀少者已漸無多方可加價否恐
網取鄰蝗賺竄將不勝其應矣。

一捕蝗之日多係炎暑之時各廠委員固須不憚風日宣勞
宋州從政錄

八

認真監督府縣爲一方之主呼應較靈尤宜日逐躬親巡
察於夫役人等隨事隨時予以恩威並濟令出惟行切勿
怯暑深居一切諉諸丁役雖有前法恐亦屬具文矣。

本境與隔省鄰境毗連地畝俱有蝗蝻辦理最爲艱肘如
彼境本係急公協力會捕自無難於撲滅倘其意在借費
觀望延挨一俟長翼飛騰便可報稱爭盡此念一萌勢必
頻催罔應其蝗蝻代爲收買尙屬一視同仁而滋蔓使尋
竊恐本境轉難脫累州縣設遇其時務須稟明本府移請
鄰府訂期親臨會勘定立章程各設廠夫畫界分投撲捕

以免推諉而貽後患。

一鄰境生蝗探與本境邊界相離不遠務速往查預於交界
處所挑築寬溝防備并雇集人夫於溝外代爲撲打即遠
出三五里許亦勿存畛域之見蓋需費無多而能使蝗蝻
不犯本境爲人卽以自爲也。

一飛蝗落地或在彼而不在此疆界瞭然若蝻子萌生在於
兩縣邊界往往互相推諉謂爲滋蔓殊不知蝻子初生僅
堪跳躍豈能遠越其爲兩地均產無疑惟須親詣該地邀
同面議會捕章程各毋岐視如我處捕實爭盡而彼處一
宋州從政錄

九

任玩延方可稟明本府移請鄰府會勘亦不必通稟以揭
其短俾全鄰誼若本境並未捕爭已欲捏飾而思諉過於
人終必水落石出兩無益也。

一收買蝗蝻使人自爲功最易奏效此項原例准開銷惟一
經造報輾轉駁查每致有名無實故州縣多不願請傾然
設遇境內生蝗之地過廣收買之費不貴州縣捐辦力有
不逮勢不能不觀望延宕待其生翅遠颺再報爭盡此飛
蝗之所由來也地方大吏應察生蝻較多之州縣如果該
員認真撲捕爭盡捐買蝗價甚鉅查無虛捏量予調劑一

次備政觀望一任飛報稱爭盡者立即撤忝則懲勸明而人心思奮矣

一捕蝗必得多委佐襍能耐勞苦之員分廠督率並由縣選派勤能之家丁差役多人隨往第維時每係盛夏赤日奔馳從事不易該委員果能實力辦理應由府稟請記功獎勵至家丁差役該縣亦宜優給飯食分別勤惰隨時犒賞方可收指臂之益

劉各州縣查辦保甲檄

查保甲為自古政治良規果能實力編查不特助縣安良勸
宋辦賑通縣瞭如指掌抑且守望相助行之久而人知睦讓
風俗亦可返瀉為淳本府前於浙省署平湖縣任內曾力行
之是年即破獲竊窩巨案二十餘起盤詰飲錢賊眾邪教稟
辦三十餘犯并從而開葦改教者六百餘人歷有成效當蒙
督二憲通飭閩浙兩省仿照辦理在案茲本府奉
命來守是邦查核各屬疆域多與安徽之鳳潁江南之徐州
山東之曹單等府縣毗連強悍成風好勇鬥狠每以一朝之

宋州從政錄

忿致罹駢首之誅并有事不干已從風而靡舍命殉人甘蹈
白刃者甚至結會要盟搶姦婦女嫁賣竊盜拒捕殺傷巨案
層見叠出豫省夙稱淳樸何歸郡民氣鬻凌一至於此身為
民牧何以自安因思默化潛移莫若保甲一法本府前發有
平湖保甲事宜一冊該牧令務須悉心查閱循照所編次第
舉行如有格碍之處不妨因地制宜各抒所見酌為變通毋
庸拘泥惟委查之員及隨從書役地保人等飯食紙張一應
錢文昨已議有經費捐辦不得絲毫需索民間並將此次編
查係尋常年例之外各項費用均經官為捐給與書役毫無

干涉倘敢索詐及地保派費情事許即指名稟究先行出示
遍諭鄉庄知悉斷不可以安民之舉轉以擾民至鄉耆里長
必須釋其畏界之心方肯出而從事或先延在城公正明白
紳士倡行於前使鄉集紳耆咸知親戚若甲耆之人數衆多
難免劣良不一以禮相延仍須以法相約總期隨時隨事力
除流弊日久相安俾里甲舉報悉出至公不致把持武斷小
民動作咸知奉令不敢結怨成仇一俟編查就緒然後招募
講生本府率同該牧令親赴各鄉集宣講

聖諭化導愚頑安見強暴之風不可變為和親之俗深慚表
宋州從政錄

率實賴助勤竊於賢有司有厚望焉切勿視為具文仍前該
諸吏役是所切囑文到五日內該州縣迅將所轄四鄉村庄
若干係何名目分晰開造清摺及應否添用委員如何遵辦
緣由先行稟覆

再劄各州縣查辦保甲檄

據覆現擬飭查保甲緣由倘悉本府頒發事宜而雖行有成
效特須因地制宜如另戶摘編此地是否能行且本屬多有
外來流民爲前冊所未載又應作何安置均須籌議妥善隨
時酌量變通不可拘泥成法惟各邑稟內有欲不假他手挨
庄親查者有以牌頭甲長之役祿爲卑賤畏難裏足者有以
該縣紳耆公正廉明者少假公濟私者多不若責成牌頭甲
長承辦較易約束者有選派書役捐給紙張飯食協同地保
開載者所議云云似於此事始終利害尙未詳審或施措之

宋州從政錄

無方或使令之倒置均非深於閱歷之言也查州縣一官命
盜詞訟相驗踏勘等案百事待理豈能專查保甲累月經旬
置他事於不問若欲挨庄親查必致始勤終怠而後已凡事
任人則逸任己則勞惟任人而兼以任己乃能核實古之保
甲每一鄉必慎選約正約副相助爲理是卽任人之意今人
材力聰明豈能超軼古人之上而欲一身兼眾役其可得乎
鄉甲耆果選舉得人儘可將該村庄戶口先令查明造冊送
核倘其不諳辦法該縣與委員再與督查一二處告以機宜
俾知遵奉俟各鄉辦有頭緒然後親往抽查更正舛錯并隨

時指示提撕只令地保將命毋使差役徃傳則事皆辦而民不擾衆志成城無難寇期職事至視牌頭甲長爲賤役率多覲望不前者其意始以一經涉手後恐公事派累將與地保爲伍且與鄉里匪徒結怨而好事之輩則往往以此進身久而把持鄉曲爲害閭閻不可不防其漸故尊之爲鄉甲者以禮貌相延復以禁約相戒俾免後累勿任妄爲且條約遍二示村莊共知舉報出於公令亦不致與鄉里爲仇似此委婉代籌未有不聞風興起踴躍以從事者若以紳耆爲蓋不足恃專責成甲長牌頭辦理甚而委之書吏督同地保開載是猶宋州從政錄

四

視爲具文將以一查塞責耳夫保甲之法立雖城市錯雜鄉村竊遠而按籍而稽奸匪不得容留貧富瞭如指掌正不徒目前編查無漏且欲其日後善惡相糾故古法必用公正之約正副者爲其聲望夙爲鄉評所重一切勸懲得以令出惟行若責之甲長牌頭何異年例故事在官以爲易於使令在民亦必視爲泛常豈能異其舉報至公稽查服衆至于假手胥吏之弊尤人人得而知之弊將于年例之外又多一番苛派滋擾以安民之舉而轉以累民必不可行或謂鄉耆一設恐其假公濟私殊不知有一利卽有一弊又豈能因噎廢食

總之邑之紳耆原屬秀良不一昔日新吾先生云科目取士爵祿榮人授之官職矢志潔身者幾人實心任事者幾人今一州一縣設約正副不減三二百人欲其人人有士君子之行分毫無私個個奉法怨仇不顧是庶民賢於縉紳矣有是理耶惟法度嚴明卽不擇約正副而約正副自不敢爲惡只一寬鬆全不照管而約正副借法以作奸雖有賢者亦不能自保胥化而爲惡矣誠哉是言本府前刊發公舉約正副條規特爲易其名而優以禮所以別今之地保甲長也春秋二季換冊州縣大堂設席款延所以優待異於齊民也免其差宋州從政錄

五

徭仍視辦公之賢否分別年分與以花紅匾額所以獎勵而觀感也其有存私容隱及把持擢奪者或經訪聞或被告發得實立予斥退照例治罪是又于體恤之中示以懲戒之條也予奪黜陟之權仍操之自上並非任以鄉甲耆便如盤石之不可搖動也平日紳耆出入衙門原易招搖茲係通邑公事見必大廷不令私謁亦無可爲假託之媒况十室之邑必有忠信果能被除障蔽相感以誠定無不可見之民情自有不期然之神效我若嫉似蜂螫彼亦視同陌路上下交相猜忌尙何事之能爲此事創始本難不可視爲易亦不可畏其

難荷能力行無任彼萬緒千頭我則有條有理其有不爲我所範圍者未之有也勉之望之仍將何時經辦及所舉鄉甲者姓名先行開摺稟覆并前次章程未經詳叙二條附飭遵照

一十牌作爲一甲。歸甲者經理如有零星竄遠庄分或不
足十牌者卽六七牌亦可作爲一甲。總視路之遠近俾
甲者便於照料爲佳不必拘定牌數多寡卽牌頭亦做
此辦理

一十牌爲一甲。十甲爲一里。某里之下計有幾甲某甲之
宋州從政錄

六

下計有幾牌均須按照次第編序如一二三四五之類
其牌頭毋許犯有竊拐等案之家充當如輪值僧道女
尼或家只婦女及老幼单丁者亦免其派充均以該戶
之下一戶承值將該戶仍編入此牌之內不可遺漏

查辦保甲告示

本府現在飭屬實力舉行保甲所有委員差保飯食及紙張
錢文一切均係官爲捐給不准書吏差保絲毫需索民間此
舉一行實與爾百姓有利無害除出縣出示曉諭外誠恐鄉
民未盡周知茲復摘輯明呂司寇勸語並開列公舉約正及
勸懲規條于後再行諄切申明爾紳民切勿畏難慮累均各
遵奉毋違

寧陵明呂司寇鄉甲勸語酌量今昔情
形畧爲更易

說與爾百姓鄉甲之行有十利而無一害一則些小事情
宋州從政錄

七

本約和處省得衙門告狀受怕耽擱花錢使用吃打問罪
坐監討保破了家業悞了營生二則挨查外來生人細密
嚴謹四方盜賊無處容身百姓們無鷄犬之驚睡好自在
爲三則使本牌人丁及住房住廠之人都有稽查盤問使
他不得出外爲非免得他犯了重罪連累我有窩主之憂
四則錢糧國課由本約平日互相勸說催逼早輸免得臨
時追呼加利借債並可省討糧差保脚飯錢文五則一約
之內人丁地土貧富增消差糧多少人所共知只消本約
擔認公定由約正稟官酌定章程編均徭役省得替役干

奸百弊捺富升食脯糧貽害六則一約之人朝暮相勸彼此相規大家曉些道理守些法度都成好人說好話幹好事生為有德之民死為無罪之鬼閻王見了也是敬重七則一約之人既是年年相與自然情義淡洽有無相助患難相救疾病相扶持有事相商量嫌隙相解釋異姓結為骨肉仇讎化為腹心自不致有爭鬥釀命之案縱彼此或有小忿本約出為調處服禮免令聚眾鬥毆戕傷人命問罪坐監生離死別其成全的不小八則行好之民官府以情相體不忍輕加刑罰父母赤子上下有恩九則灾荒之

宋州從政錄

八

年官倉那救得許多你將平時這多派差徭及告狀使費的錢省積下來救你一家性命免得餓死道傍逃走在外十則往年死惡之人欺你良善狡猾之賊挾爾仇嫌到官時扳窩誣賄甚有蠢捕指賊打嚇誣執平人你他百口難辯誰管你死活鄉約一行惡人沒處存身善人得以自保縱有誣執之人大家連名辯証凡我百姓務要十分力行千年共守是你百姓子子孫孫之福

公舉約正條規

約正名目最古本係尊稱近因保甲鄉約稱謂混襍遂以

其名為卑賤今酌改為耆字或鄉耆或集耆各從其便即甲長亦稱之曰甲耆蓋優之以示區別也

一鄉集耆必須明白公正為眾所推重者方准保舉不許用無身家及平日好事攬訟之徒混跡其間至甲耆各數眾多未必人皆入選然亦須稍曉事體而誠實者為之不得以市井無賴鄉曲無用之人充役其前充地保甲長不得與甲耆並論亦不准其干預鄉約事件

一甲耆須在百家之內遴選鄉集耆須在一鄉一集之內選舉以期近便易於照料親切不致偏私

宋州從政錄

九

一鄉集甲耆如有不才及受賄徇情該鄉集大衆即隨時稟官立子更換倘敢武斷鄉曲欺壓平民確有事實地方官審明除革退外照例治罪其有犯法之戶不服稽察捏情誣告者加重重究

一鄉集耆除命盜案及戕毆成傷者不准干預外如遇地方些小口角忿爭事情代為調和勸解須立一簿將某人為某事經眾如何調處緣由按月逐一登簿每於季終赴縣換冊時携簿呈官查核即以該地方之安靜與否及有無竊賊窩留以辨鄉集耆優劣所有鄉甲已和事件非經復

控有司不得再提訊滋擾

約正勸懲條約

一鄉集甲者地方官不得視同地保甲長令其點卯接官及催糧派夫

一舉充鄉集者免其徭役

一每年四季定期各鄉集者赴縣換冊州縣於大堂設坐備

酒席款延優以禮貌

一鄉集者如能勸化地方息爭安分並無倚勢徇情被控情事並實力稽查奸匪著有成效者一年由地方官給予花

宋州從政錄

十

紅三年送給匾額五年詳請

大憲優加獎勵

一鄉集甲者承值之後倘因熟識衙門藉此包攬錢糧詞訟及挿身帮訟情事除立即斥退外仍照例究辦

一凡鄉集甲者該地方有命案不得干連傳訊盜賊案不得責成緝捕以杜擾累

保甲勸戒條約告示

為飭鄉甲勸戒舉報以儆愚頑事照得保甲之設非徒欲目前烟戶無漏丁口無奸且以期日久善惡相料守望相助茲於編查完竣後特摘錄明呂司寇戒惡各條分晰開明諄切曉諭嗣後該鄉甲等同心協力不得以私亂公爾居民等守分安常切莫以身試法力除剽悍共返致廳漸臻雍睦之風永享昇平之福本府切有厚望焉

呂司寇鄉甲勸戒條約酌量地方今昔情形畧為更易

宋州從政錄

十一

朝廷設官滿天下不為管善長之民那善長之民他納糧當差分毫不少克心惡事一些不為立身則行公道積陰陽見人則深唱喏高舉手天下要那許多官何用只為你這不長之民克惡的拿刀弄杖欺凌那善長強橫的倚勢恃財作踐那柔弱好巧的百計千方吸哄那老實

朝廷差根詭隱延捱不肯上納他人財用搶騙爭奪沒些廉耻清平世界叫你這夥人混的不得安生所以

朝廷無奈做一部

大清律道五等苦刑罰設天下大小官員只為鉅束你這夥

正人替那公正善良的百姓作主，隨你是何等英雄好漢。朝廷法度，不怕你勢要，你就在海角天涯，也辜得你來，就將你殺了，副了，你往那裏去？但念你這愚人生下來時，遇着不省事的父母，失教護短，長大了時，和那不學好的親朋，亂道混行，日日年年，把這身子十分壞了，自家也不知道自家是甚麼一個人，全不覺自家分毫不是，那善良的見你如臭屎一般，那忍事的見你如毒蛇一般，誰好說你，誰敢勸你，你就不犯刑罰，也做了個沒行止的小人，結了多少冤仇，到你犯了刑罰時，就是個沒主兒的身子，任官府夾打牢獄，與你做父母的，也是苦命，招了多少羞恥，與你做妻兒的，也是苦命，就了多少憂愁，到此地位，悔之何及？我今舉行保甲，設立鄉集，甲耆先將這犯條款，的過惡十八件，明白曉諭你們知道。初犯小者，勸戒再犯，及大者，報官自有鄉約之後，犯一件過惡，那鄉集甲耆及四鄰耳目，難瞞，都是該稽查管束你的人，若再肆無忌憚，稟送到官，斷不能輕輕饒你，你們亟宜痛自改悔，做個良善的好百姓，那時做了鄉集甲耆，官府也就優待你，地方也就尊重你了，你們千萬記着。

一子婦頂撞父母，氣惱爺娘，以及家可自贖，棄親不養，致

宋州從政錄

三

令衣食缺乏之者，是為不孝之子，四鄰甲耆報知鄉集者，開揭送官究治。

一卑幼侮慢尊長，兄弟互結冤仇，鄰里以小事相爭，親戚以微嫌起怨，甲耆報知鄉集者，即與服禮，仍處分明。白如卑幼兩犯尊長者，鄉集甲耆即開揭報官，以憑究處。

一白蓮教，無為教等名目，百家成羣，千人為號，持咒誦符，暗結私通，夜聚曉散，或妄言天文，或僭稱官號，飲騙錢財，姦污婦女，愚民被其欺騙，全不知其詐偽，誠可哀憐。

四鄰甲耆立即告鄉集耆，將傳教頭教主，開寫實跡，挪赴送官，或本教中人，有能擊獲真正傳教頭教主，送官者，賞銀五十兩，其餘習教吃齋男婦，限本約勸化三個月，倘仍舊聚會，那說不改者，鄉集甲耆體訪，或實報知州縣，依律同罪，其四鄰甲耆明知不舉者，即係同夥，妖民一例，盡法重究。至于術士邪人，趨避鎮壓，及騙獸神像，頭頂佛經，化緣修造者，約中不許容留，施捨違者，鄉集甲耆稟官究逐。

一三五成羣，焚香飲血，結盟帶刀持棍，一家有怨，則同去報仇，上門混行，亂罵見人財帛，則設法搶奪，到官控証

宋州從政錄

三

扛幫或挾騙娼婦財物盜擄成熟田禾百端爲害一方不寧者鄉集者立即率同甲耆四鄰詳開惡事呈報有司拏究

一暴橫克徒擊磚握石擦掌塵傘氣高聲粗無故開口罵人動說打死償命或強買貨物或硬生事情或撒潑圖賴錢財鄉約有此等人不分初犯再犯事大事小該鄉集耆卽同甲耆四鄰連名詳開惡事呈報地方官盡法處治

一甲中除開酒飯店家歇宿過客暫時經行外其餘往來

宋州從政錄

西

親友人所共知若遇面生可疑之人並非本鄉本里四鄰甲耆查其何處人民騎坐何畜帶何行李因何相交來此何幹或係白蓮道友或係窩訪過家或係賭博相識或係盜賊合夥務要細心盤問如踪跡可疑卽便密細報官本甲之人向本與素忽爾錢米豐盈抑或穿戴物件非其家所應有及驟添牲畜捆載大包衣物他往者四鄰甲耆均須查問來歷如盤係贓物卽行李獲會同鄉集耆稟送有司審訊施行倘覺察不嚴及無故而搜詐者四鄰甲耆一體重究

一賃房買賣客戶庄村傭工流民房主地主務尋的當保人熟知來歷方許容留仍將賃主人口若干報明甲耆鄉集耆附入保甲冊內家主或一月半月訪問賃住人所幹何事所交何人如不仔細覺察致令外來人作賊或窩藏外盜者房主地主知情則照律治罪卽不知情而失察亦予以責懲

一賭博開場之家幫開掉攬之徒或吸賺切年破家或勾引鄉愚迷性彼因乘機陽向陰傾騙財幫食四鄰甲耆奪其牌骰頭錢及攤場財物查其起滅情弊報知鄉集耆立即送官除將到場財物給與外仍於犯人名下追銀三兩充賞

宋州從政錄

五

一造言生事弄巧行奸好講鬪鬥是非慣貼匿名謔言破壞人家好事離間人家骨肉以及挑唆與訟寫狀作詞這等壞心奸民四鄰甲耆報知鄉集耆初犯當衆勸導改悔如再犯開明實蹟稟官盡法重處

一兵快應捕人役誣執平人做賊細縛苦拷詐騙財物公差下鄉打詐需索者立即指實連名報官若畏懼不報者該鄉集甲耆一體重究

一士農工商每日各有生理如有遊食光棍酒朋茶友趁會遊街捕鳥鬪雞攤賭博者該鄉集甲耆諄切勸導改悔務敦恒業如三月不改該鄉集耆開載姓名於換冊時呈官以憑彙入遊民簿內押令按月應當轄扛等夫以罰其惰

一醉酒無德動輒炒鬧打街罵巷或子弟生事父母不管婦人罵街男子不省者四鄰甲耆勸諭改悔如抗不遵改者報知鄉集耆會同稟官懲治

一本約曾犯軍流徒罪充往配所人犯倘有潛逃回籍者

宋州從政錄

六

四鄰甲耆立率送官如違并究

一如有逆倫及毀殺期親尊長重犯四鄰甲耆立即細縛送官如違一律治罪

一戲子男當文當花鼓戲道情走索等項及不做生活少壯流民並遊食僧道乞食棍徒不分何等人家俱不許容留如違將四鄰鄉集甲耆分別究處

一律分良賤所以重鄉鄰之體也以後富勢家奴凌賤貧窮老戶爭坐爭行平打平罵者許約中連名稟官究處一拐搶他人婦女嫁賣姦污或外來販賣為婢為媼凡有

窩留之家四鄰查明即告知鄉甲耆率同地保率獲送官如敢容隱一體治罪

一開設湯鍋屠剥耕牛騾馬及銷買賊贓宰殺滅踪者約中即會同鄉甲耆及地保稟官究治毋得容隱致干連坐

右告示條約仍刻作小本裝釘成帙各付鄉甲耆一冊收執令於每月朔望在各集鎮宣講

聖諭之後將告示條約朗誦一遍曉諭鄉民以期警覺

宋州從政錄

七

商邱縣增訂歇店飯舖小店寄戶油匠牙行經紀各冊式

腰牌四條 知縣王掌蘇

歇店循環冊頭

正堂 為札飭事案蒙

府憲札飭各歇店設立循環號簿以備稽查遵照在案此簿仰該歇店收執凡有客商到店務須問明同行幾人並姓名籍貫來自何處今往何處車幾輛馬驢幾頭匹有無貨物行李逐一登明簿內倘有形跡可疑即通知地保盤詰稟究此簿每逢朔望日循去環來送縣查核倒換倘敢遺漏致有

宋州從政錄

六

疎虞一經查出或匪犯在別處供明曾在該店寄留住宿定提重處不貸凜之慎之此論

右簿仰 集店戶 准此

道光五年 月 日

歇店冊式

一行 人 年 歲身 面 鬚

係 省 府 州人從 州來往 州去作 生理

身帶行李 貨物 車 輛 匹

月 日進店 日去訖

飯舖小店冊頭

正堂 為札飭事案蒙

府憲札飭各歇店設立循環號簿稽查匪類遵照在案所有各小飯舖亦招留過客住宿擬令一體發簿稽查為此簿仰該飯舖知悉凡有投宿之客即問明姓名住址來自何處去往何處有無小車驢頭包裹作何生理逐一註明至次日天明方准放行如並無行李形跡可疑即通知香地盤詰稟究此簿每逢朔望日送縣查核倒換該店主人等倘敢遺致有疎虞一經查出定提嚴究不貸此論

宋州從政錄

九

飯舖小店冊式

來一行 人 年 歲身 面 鬚

係 省 府 縣 村人自 來往 去 生理

小車 輛驢 頭 包裹 個

月 日到店 日去訖

寄戶油匠冊頭

正堂 為札飭事案蒙

府憲札飭編查保甲散給門牌係弭盜安民良法所有寄座油房雇用工匠常多外來之人易於潛混除按名給發腰牌

隨帶外合行發給循環簿登註稽查此簿仰該坊主逐日將
厘定當匠某人及外來親友投奔住宿某人年若干歲係何
處人照式註明簿內猶去環來每月朔日送縣查核倒換毋
得遺漏設有疎虞倘住來歷不明之人一經查出或被告發
干咎非輕凜之慎之此諭

道光 年 月 日

密匠油匠冊式

匠 年 歲身 面 鬚保 省 府 縣 村人

夥計某

宋州從政錄 年 歲身 面 鬚保 省 府 縣 村人

道光 年 月 日

該主某

歸德府商邱縣為札飭事案蒙

各憲札飭編查保甲飭令各集紳民每集公舉鄉耆一名按
十甲設立里耆一名十牌設立甲耆一名查造烟戶清冊委
員查照在案所有河堤上下住居本地及外來民人附近
貴署地方擬合核請就近查點為此合核
貴廳請照查照祈將移去循環冊式二本查收將在堤上下

住居土夫人等戶口查明年歲籍貫作何生理註明冊內將
一本移送過縣備案一本存在甲耆處嗣後如有遷移生故
增減隨時添註塗改按季送交里耆查核該里耆隨同鄉耆
送縣倒換以憑另給牌冊循去環來勿使日久廢弛以收弭
盜安良實效幸勿遲滯望切望速

一移河務分縣

商邱縣為核會事案蒙

各憲札飭編查保甲所有各集市會場牙行經紀多有不察
住畜來歷貪圖微用混行講價買賣今各給循環簿按集會

宋州從政錄

三

將所賣騾馬牛驢註明是何毛片口齒某客自某處買來賣
與某人住居某處價若干按月送

貴廳查核循去環來乘送過縣以便稽查擬合核會為此合
移貴廳請照查照文內事理希將移去循環冊一百二十六
本查收分給各牙行經紀遵辦施行

一移歸德府經歷司

牙行冊式頭

正堂 為札飭事案蒙

府憲札飭編查保甲所有各集市會場牙行經紀恐有不

察牲畜來歷不明貧圖微用混行價賣令行給循環簿稽查
此簿仰該牙行經親將逐日某客自某處買來牛驢騾馬若
千頭匹是何毛片口齒實與某人價錢若干逐一註明循去
環來每月朔望日送經歷廳衙門查核倘換該牙行人等倘
敢故違遺漏一經查出或被告發定提重處不貸稟之慎之
此諭

道光 年 月 日

牙行冊式

集場 月 日 縣 集

宋州從政錄



客自 處買來

馬 匹 口 成買與

牛 隻

驢 頭

縣 集客

價錢 文

牙行某 經紀某

計開

油客匠牌式

正面

腰牌
縣正堂 諭 諸匠知悉爾
等恒多外境之人奸匪易
混今各給腰牌隨帶如有
外來遊民借利同行希圖
招留即通知 縣切主者地
稟究毋違特諭

合面

腰牌
集 縣 匠 年 歲 號
省 府 縣 村 人
年 月 日 奉
道 光 年 月 日 給
第 號

正面

委員下鄉牌式

正堂示
諭 諸集場保人等知悉得本縣前
委 在 縣 集 場 辦 理 有 案 查 保 甲
數 冊 冊 式 各 同 冊 今 在 道 堂 冊
案 未 定 公 月 日 前 將 案 冊 來 合
行 驗 到 驗 後 即 交 冊 冊 者 將
案 冊 案 冊 冊 冊 冊 冊 冊 冊 冊
案 冊 冊 冊 冊 冊 冊 冊 冊
月 日 示

合面

正堂示
諭 諸集場保人等知悉得本縣前
委 在 縣 集 場 辦 理 有 案 查 保 甲
數 冊 冊 式 各 同 冊 今 在 道 堂 冊
案 未 定 公 月 日 前 將 案 冊 來 合
行 驗 到 驗 後 即 交 冊 冊 者 將
案 冊 案 冊 冊 冊 冊 冊 冊 冊
案 冊 冊 冊 冊 冊 冊 冊 冊
月 日 示

商邱縣增議二條

一牌甲之內如有耨觀寺院及客寓飯舖歇店另設循環號
 簿將每日往來住宿客商作何貿易係從何處來現往何
 處或步行或坐大車小車車戶何姓名或騎馬匹驢驢係
 何毛色逐一查清註簿行人或單行或攜有眷屬係何處
 人現往何處或步行或騎坐照前查客商式樣註明
 簿內其或二三壯男行使小車上載單頭婦女即難保無
 搶拐情事尤當認真盤詰查無別故即速放行不得留難
 勒索其簿以一月為期呈送縣署查核其伍內集鎮村庄

宋州從政錄

三

遇有外來乞丐該鄉地保嚴行盤詰不許存留姓名籍貫
 查明另記一簿如該地方遇有案件隨時查察
 一伍內有身為盜竊並家竊盜賊及與取婦女幼童曾經犯
 案之人俱於冊內據實註明因何犯案其游手好閑不耕
 不讀不工不商之人於冊內註明並無行業字樣以便查
 其是否改悔其盜竊姦拐賭博等犯在逃有眷屬在籍者
 亦註明某人因何事在逃至伍內村庄設有寄座其工匠
 多係五方隸處即難保無匪徒盜賊潛藏其內更應留心
 稽查該鄉甲耨地保人等務於有寄村庄烟戶冊內註明

某伍某村庄有寄幾座客主某人寄戶某人燒窖工匠共
 幾人將姓名籍貫逐一查清註明以便查考其停燒磚瓦
 之時即將寄門堵閉結實俾匪人不致入內潛藏若久不
 燒造之廢窖立即拆毀至村內如有無人住持之空廟亦
 即一體將門鎖閉嚴固

彰德府內黃縣增議四條 署知縣陳鳳圖

一各戶門牌一律挨次排編毋論紳衿兵役商賈寄居士著
 不許跳越以符定制

宋州從政錄

五

一楚莊鎮為通省漕糧開兌重地船戶糴夫並水次搭蓬趁
 食游民以及小車脚夫人踪混雜往來無定最易藏奸不
 可不嚴為稽查除過客商旅由各店戶設立循環簿登記
 依期呈送更換外其小車脚夫亦令該店記簿報查其船
 戶糴夫及水次搭蓬趁食游民專責船埠頭及河下保長
 等造冊稽查
 一緝捕盜賊原不責成牌甲而守望相助之義則不可不講
 牌甲人等如有盤獲拐逃婦女人犯者每名賞銀十兩盤
 獲搶劫婦女財物強盜者每名賞銀二十兩盤獲鄰境盜
 犯每名賞銀三十兩三名以上賞銀二百兩首報賊盜窩

家實有匪據者分別強竊酌量給賞。

一游手閒民最為地方之害如牌甲內查有無業之人鄉里甲耆勒令為人傭保有不受傭者於循環冊內註明罰令充本村夫役。

宋州從政錄

美

弭盜條約告示

為申明新盜章程以靖地方而除民害事照得本府蒞任以來查核各屬被竊拒捕及盜劫各案累繁而被獲者絕少是皆稽查盤詰未清其源偵緝防閑不得其法為斯民之大患切守土之體要茲保甲編成特輯明呂司寇弭盜各條開列曉示法良意美慮遠思深果能鄉甲情聯奉行無懈官民心一相與有成定為樂業之民永享安居之福本府竊有厚望焉

宋州從政錄

美

明寧陵呂司寇弭盜條約原本十四條茲酌量地方今昔情形畧為更易輯作十二條

盜賊源委不可不知酒肆娼門賭室其招聚之由寄場寺廟孤庄其隱窩之處壯年僧道乞兒其窺探之人各處閑懶遊民其合夥之輩夫盜也設從天降地出斯無奈彼何矣彼豈能不與人同里而居朝夕相見乎彼生理經營里人寧不見聞乎所與交遊姓名面貌里人寧不識乎縱令孤庄彼豈無親戚宗族朋友之往來其行藏能盡塗人耳目乎任貧任富潛出潛歸或油沮閉藏或豪雄自託言動不同狀貌自別蓋誰為盜誰不為盜里人辨若白黑日躡足附耳談之矣然而不以聞官者何彼為盜與我分毫無干我發盜其禍且夕立

至者也。故上之責成也嚴，則里人畏吾法而不敢長盜。雖雖離里人而不敢離法，里人不畏盜則盜無所容。盜雖離里人豈能盡離一里之人哉！是以知合鄉甲法雖聖人無弭盜之術矣。今陳其畧如左。

一禁游惰之民。各安生理，夫不農不商不工不傭而游手，粧身亂混，閑談捕鳥鬪鷄，彈絲蹴鞠，此何物也。世未有不身惡勤勞，口恣甘脆，不遂所欲而不為盜者。以後不分貧富人家，但有此等子弟，鄉甲盡數報官，官為分別鄉庄編次，粟置一冊，號曰葉民簿，言天地間之棄物也。論

宋州從政錄

完

令鄉甲察其動止，如知改悔，由鄉甲着具報聲明，現在作何營生，隨時查察約束。准於冊內除名，如不改悔，交地保看管。凡差使往來，罰充預役。該地但有失事，即於此輩根求，不但防奸，亦驅民務本之一法也。

二嚴流寓之民。夫流來寄住，皆貧無賴之人，未有不餓人房屋，個人庄田，依人窩場者。房主地主，先查來歷，更擇保人，編入庄頭自行管理，仍各造冊送官，但有防範不嚴，地方失事，獲盜之日，審係誰家居住者，不分盜竊，會否知情，分贓俱以容隱匪人治罪。有能早知而逐出本

家者，犯後免其併究。早知而捕送到官者，俱照獲盜重賞。

三逐強壯之丐。除瞎目跛足及七十以上男婦十三以下小兒不禁外，其餘遊食僧道乞食壯丁，或強宿寺觀，住持無奈容留，或暫寄窩場，主人不敢訶逐，或三五團坐門前，勸求斗米疋布，或睨目硬索飯食，不遂便出惡聲，官吏情不諱奸，閭閻誰不懼禍，為過計者之說曰：此輩不宜驅逐，聚結反為大患。嗟夫！彼不生於空桑，寧無原來籍址，除備個經營習土安業及失地鄉貧者聽其寄住。

宋州從政錄

完

外其餘一一清還原籍。僧道則令本土住持收管焚修。壯男則令本土里族收管着業，或有司別立安設，開民之法，凶年離散一番，豐年查歸一番，律不有發還原籍之條乎。強壯乞人，每郡邑率不過百人耳。即鄰境未肯通行，而嚴督保甲，不令容留，但係境內失事者，先坐容留之主，則此輩無潛踪之所矣。

四重捕獲之賞。諸色人等，但有於劫所殺賊一名，照例免罪外，其有生捕一名，係竊者，得賞實銀五兩，係強者，得賞實銀十兩，獲八盜大盜一名者，賞銀二十兩，獲強盜

三名以上者除賞外仍鼓樂花紅送匾五名者申給義勇頂戴專管巡捕永免本身差役其銀卽懸於州縣門前朝發暮收獲盜得贖者准其徑取

五禁姪賭之徒凡係棍徒必皆成群合夥寺廟賭博或開場之家收打頭錢者鄉甲指實密報除問罪外枷號遊街拘當苦役仍重賞告人娼優之家但有不識姓名男子使錢寬綽情狀張皇卽密報有司審寔則一體重賞貪財容隱者事發一體重究

六緝窩盜之主夫盜之去住無常而窩之居住有定盜之

宋州從政錄

手

踪跡猶密而窩之舉動甚彰盜之勢大而窩之勢孤語曰除蜂摘窩故窩禁不可以不嚴也或曰雲集鳥散亦有無窩者曰固也無窩之家其盜必近豈能劫掠良久之時分贓擾攘之後一更五更之間自三十里外而來出三十里外而止乎故窩能首盜者免罪獲盜者除免罪外一盜准一盜之賞諸人能獲窩得贖者一窩准十盜之賞

七寬首盜之令州縣平日下令凡係父母妻子及期親尊長兄弟但肯首盜追還財物者與盜自首同不犯姦殺

俱准免罪嗣後責令嚴加管束如敢再犯報明鄉甲稟官從重究治保甲鄰里密揭報盜者半獲盜之賞隱忍不首者盜犯之日卽將容隱之本案及期親尊長兄弟等與本甲鄰佑跟提比較盜獲方准釋放

八密遠僻之防郊闌村落人烟聚集保甲一嚴盜自絕止惟深山窮谷人迹罕至雖無可劫之家多集行劫之輩除有庄田勢難遷移鄉黨稔知實係良善之民者聽其孤庄仍屬於保甲之內倘該庄著名窩藏奸匪鄉甲者不能約束者卽於鄰近庄內立一團長令其挨家三三

宋州從政錄

至

相保團長統之一家爲盜兩家同首不首者別經發覺團長申呈兩家與盜同罪其結山爲寨者就立寨長以保甲法統之仍以禮義化之負固爲壘者或招撫而散處之或壘其山谷不與民通或夷井伐木不使安居甚者以兵勦擒之

九清邊鄙之民三界首間民同里而分屬彼詰則竄名於此謂此拘則逃身於彼邑三處之法不得加焉而守令互私其奸究以儆鄰此盜藪也凡係邊境兩下共立鄉甲彼此會行法令公設保正凡有盜發卽許所在鄉鄰

送官所在有司。但有回護留難者。申呈合報。上司官吏。提究參處。

十練鄉甲之兵。豫省民間。多置刀鎗。為防夜之具。積習相沿。不可勝禁。然用以禦盜賊人。可知兵若持以逞鬪。毆俗益滋。悍古者訓練二字。原屬相依。為用。今若於鄉保戶中久住之家。年二十以上。年五十以下。除傭作者。貧無衣食者。有占役者。不用外。餘於十月。納禾之後。三月未農之前。將各壯丁。在城分為四面。在鄉分為八聚。官募各項教師。分為十二人。各給工食。使教習之。或兩保

宋州從政錄

三

三保共覓一人。令其一處教習弓矢。二處教習鎗刀。二處教習鞭棍。二處教習擊擲。每處分為兩隊。隔日分獲朝食。而來夕食。而散。遠近酌量。務在十里之內。計一年之後。即不用教師。令其調藝互習。彼此相傳。有司分地定期。親臨觀其技藝。或東面與西面。角短長。或南聚與北聚。比生熟。一年賞次能者。二年賞上能。罰不能者。三年罰寡能者。四年而人皆知兵矣。然後各歸保甲。自行練習。仍責成約正。隨時訓戒。非擒盜操演。不許擅用。如是則人人有勇知方。風聲所樹。四境咸知。

將盜懷投死之懼。安敢公然行劫。耶是事也。可以攻戰。可以城守。亂時保聚。以防家。募時倡率。以勸王。至弭盜。猶餘專耳。

十一責保護之疎。鄉甲之內。屬鄉甲者。聽其挨查出入。鄉甲之外。屬房主地主者。聽其訪問。但有為盜窩盜。聽其舉報到官。但有失盜。聽其率領各甲救護。一甲共置銅鑼一面。各家預買大爆竹。存貯其甲中人。等除六十歲以上。十八歲以下。免其救護外。其餘壯丁。遇有盜賊。打劫一聞。本家施放爆竹。甲中即時鳴鑼。村泉齊往救

宋州從政錄

五

護。凡家有銅盆。响器。均可敲以助勢。但於盜所生獲。或扎死強盜一名者。州縣官花紅鼓樂。迎至公堂。銀盃遮酒。三盃。當時賞銀十兩。仍給帖一張。免其本身差役。如獲賊一名者。賞銀三兩。以次按所獲名數遞加。十二明夜巡之法。夜禁之令。以一更三點。禁人行。五更三點。放人行。禁後放前。凡有行人。除公務急。速疾。病。生。產。死。蓋。執。有。燈。亮。者。不。禁。外。如。無。燈。亮。夜。行。不。分。士。夫。及。面。目。生。熟。俱。要。拘。留。送。問。諸。人。不。夜。行。則。夜。行。者。必。盜。矣。盜。見。無。人。夜。行。難。以。影。射。亦。不。敢。夜。行。矣。至。于。夜。巡。

門前可緩而宅後爲急蓋門前多空房無可盜之物門前係通衢無隱身之處窺所從入宅後常十九也奈何專擊拆於通衢哉至於集鎮鄉村亦當輪流巡夜卽不出戶要須徹夜有聲使知人犬非睡熟也

宋州從政錄

詰

劄各州縣勸捐義倉檄

本府蒞任以來察看各屬田地尚無水利以資灌溉禾苗收穫全仗雨暘且濱臨黃河若值伏秋盛漲沖決堤防便成澤國歷經受患逃亡四散至今民氣未蘇是天時地利既不足恃必瀆盡人事以籌之無如民間積習鮮務蓋藏縱遇豐年怠惰者恣意花銷固不復思前慮後卽勤儉者收有餘數悉糶以易錢置產不圖耕九餘三故偶逢荒歲貧者不免爲餓殍富者亦一無積蓄言念及此實切隱憂適聞郎報調任安徽撫院陶現於安徽省勸設義倉籌議章程具奏業奉

宋州從政錄

聖

諭旨允准在案細釋所議各條法良意美既不經官吏之手又毋庸出借之煩積少成多施者無吝各保各境人孰無情果能仿照力行尤與本地情形大有裨益茲本府刊印告示若干道發發該州縣遍貼村鎮以發其端至於辦理得宜全在親民之官設法勸勉盡心區畫使知官爲此舉保屬念切民生斷不致蹈前此社倉等弊有名無實諄切曉諭聞心見誠以示民信方可觀感而興若膜外視之徒以一示了事無論捐輸之人不能踴躍恐併公正之司事亦必畏累不前而欲義倉之成也其可得乎吾人稽古入官務須於地方大利

惟懷永圖乃不質生平所學以本府納粟之員稟承先訓尙不甘於暴棄况所屬各牧令多由科第出身學有經術人之欲善誰不如我竊於賢牧令有厚望焉均各遵照並將如何與辦緣由稟覆

宋州從政錄

尋

勸捐義倉告示

本府奉

命來守是邦察看該地曠野平原向無塘堰河渠可蓄水以資灌溉惟仗雨暘時若天錫豐年諒於夏秋之間經時亢旱日觀禾苗枯槁拯救無方此天時之不足恃者也且濱臨大河若值秋汛盛漲一經冲决浸沒為殃寧惟二州縣固當首衝其餘各邑亦虞波及此地利之不足恃者也稽查誌乘諮訪情形從前水旱頻仍流離失所至今補苴才敝元氣未充本府念切民生時懷憂懼竊思我

宋州從政錄

呈

朝厚德深仁凡遇水旱偏災無不發

帑開倉優加賑濟第

國有定制官家例賑豈能久逮類施爾百姓等若不思患預防竊恐前轍復蹈後時失所該聞邸報安撫撫部院陶現於安省勸設豐備義倉籌議章程奏奉

諭旨允准在案其事集腋成裘行之尙易其效脩荒助賑利則無窮用特輯錄開列於后爾百姓務須各按村庄仿照辦理衆擎易舉踴躍輸將積存豐年之有餘籌備凶歲之不足貧者如暫置外府富者可廣助親隣莫有裨益均各

一鄉村無論百餘家十數家總以里君聯絡者公設一倉。每年秋收後各量力之盈納捐穀存倉出者無吝勸者無勒或數十石或十數石多則一二百石少則數石或升斗均無不可收穀時公同立簿登記擇一老成殷實之人總管再擇一二人逐年通管仍設立四柱冊分別舊管新收開除實在明晰登載互相稽查連年豐稔日積日多則穀不可勝食矣。

一鄉村另戶有難於聯絡者或一族各爲一倉或一族中每房各爲一倉或一散戶歸入附近隣保共爲一倉均

宋州從政錄

一

一

聽民便總在隨時制宜多多益善果能一處行之有效久而他處自仿效行之矣。

一設倉宜於平地上築高丈許於級而登以備黃水淹沒之患雖所費較多而非此恐遭河患仍無益也且勿近市湏防不虞建設之初倉廩未立或神廟或公祠或老成殷實之家倉屋有餘者均可借儲但瀆本人情慮不得強借一俟穀石稍充即可另置倉。

此條內倉基築高係專避河患而設其非臨黃河州縣應仍其舊。

一捐輸倉穀或有濕有耗不能盡一應公同晒乾搗淨記賬收倉年久又須公同出晒再逐一過數入倉以便查考。

一設倉本係義舉司事之人不容稍有侵蝕亦不許藉端開銷惟看守倉廩之人係屬僱覓常川在倉不能不給與工食責令巡查遇有風雨滲漏倉板損破之處立即告知經管之人及時修理其餘鎖鑰等項不得交守倉人佩帶至修理經費或於建倉時酌存銀若干生息每年歲修只准支利不得動本。

宋州從政錄

一

一

一捐穀既有成效即赴地方官呈明立案以免匪徒阻撓擾亂章程以後收放出入官吏概不與聞即里長亦無許越阻倘有吏役托名稽查藉端需索查出照詐贓例從重懲治。

一積穀既饒止須添建倉廩不必推陳易新以求滋長亦不必春借秋還以放利息杜絕紛爭此爲最要惟以餘穀置田收租可並行不悖然必積穀實在充裕有餘以少半置田乃可否則不必蓋此穀原爲備荒而設至提至便推陳出入易滋糜混借出恐難以即歸若置買產

業雖屬經久之計然不能救濟目前亦非急務也

一每遇灾荒除官賑之外總管分管深擇公正司事一二
人計穀之多寡先儘本村中鰥寡孤獨無靠之人次及
極貧又次及次貧或五日一賑或十日一散事竣懇衆確
算至家計稍有支持者不必分給即小歉之年亦不必
動用以歸實濟

一捐穀之家此穀既捐即係公物遇有灾歉不得以從前
甲多乙少致啟爭端或先在此村捐穀後移居他處遇此
散放不得以曾經捐穀因而轉索新來之戶從前雖未

宋州從政錄

甲

捐穀遇有散放亦應酌給些項不得獨任向隅蓋各保
各境以鄉村為斷雖救卹無分彼此而穀少人多亦不
得不稍為限制其各族各房積穀者則不必以鄉村為
斷

一年豐時和勸捐較易果能積有三年五年之蓄又不妨
畧為變通邀同矜耆劃分若干于鄉間添設卹發育嬰
等會或于冬間就村庄中鰥寡孤獨與外來無靠客民
量為賑濟亦所以廣仁卹也

一鄉村紳士克知大義者多自必首捐為倡如有能捐穀

千石者或捐銀千兩以上實穀歸倉者或捐置基產倉
廩及斗斛諸器物用銀千兩以上者均當頒例請

旌以資鼓勵倘慮書吏索費即徑赴院司衙門呈明捐數以
便行查確實立予請

旌斷不令善舉稍有阻格

一助捐之外尙有因事樂施一節如養育男女祈免灾艱
慶祝生辰保佑延年及酬神還愿一切善舉儘可輸穀
義倉以備荒年救濟之用功德無量由此擴充自必羣
相興起矣

宋州從政錄

甲

一此穀原因偷荒而設必預實係荒年米價騰貴經官勘
已成灾在六分以上方准開倉散給倘有地方遊棍藉
因歉歲硬欲開倉分給者該村眾即鳴官究懲

以上各條積少成多各保各境不經官員吏役之手
而無借貸出易之煩直捷簡便可垂永久該地方紳
耆果能實心實力勸導有成海屬不費之惠俾百姓
雖遇荒歲亦可免為餓殍寔造無窮之福本府竊存
厚望焉

制各州縣節省徭役檄

查西北之民自昔賦輕徭重蓋以驛站額設夫馬而無車輛設遇遞解多犯經過餉鞘諸差同時聚集該州縣境內既無車行可催不得不借用民車裝運免致悞公亦其勢然也惟地方官若不自加察將票差任托非人每於應用之數加至倍蓰將以其餘令差保折錢朋分入己而差保持票下鄉又復肆行濫派有錢者免其當差無錢者載車守候一切飯食草料皆其自脩該鄉民車馬係田間耕種日所必需坐令失業廢時受累殊甚且有從中影射此鄉派車足數復於彼鄉

宋州從政錄

聖

持票歛錢者似此情形皆非官之見聞所能及也他若官里幕友家丁係其熟識之人經由此地動輒送給車馬以為應故事殊不知南省之船隻轎夫費祇取給行舖酒派客商若北省車輛悉出鄉農財力何可不核實節省以紓民困州縣於此等事最為難名所繫易得輿情倘稍不經意便為他人中飽而一身獨任怨尤亦何所為而云然智者必不出此時本府衙門自行查考非實係因公概不派應車馬外該州縣務將一應徭役當如何設法節制編號親查并明定章程按月分鄉爭值俾差役無從冒混小民如期從公不致糜費

羈留之處巡即詳細妥議稟覆想賢有司愛民如子未有不念切痲瘼凡事盡得一分心定能受一分之益仁心仁政為蒼生禱祀祈之

批商邱縣覆稟 知縣王學澤直隸天津舉人

據該縣地當孔道且臨黃河往來差使絡繹不絕城內車行僅一處不敷應用不得不借僱民車第一概責令民間支應未免與情難洽是以酌定章程凡自用車輛以及并非因公差使過境醫車均係自行覓雇其接遞餉鞘人犯及實係因公差使始令附近數村地多之戶輪流支應預為核定數目

宋州從政錄

聖

註明簽票給價妥辦其派辦車輛村庄外此差徭一概革免在該村民僅只此徭並不致於賠累差役等持有派定簽票亦無從影射行之有年民頗相安等語似尚可行但差車之多寡莫定民時之忙隙不同尚須細意體貼隨時查察切勿入而生懈再訪聞各屬向係頭役畜車為各鄉代辦差使以應急需事後索價相償苟無利益何所為而為之總在本官防範之周方不致為閭閻之累

批奉陵縣覆稟 知縣張師德順天宛平進士

據該縣差徭定立章程除餉鞘人犯并河工搶險拉運料物

及委員奉差過境照例應付外其餘幕友官親及上站薦警等項概行拒絕所辦尙屬認真至派僱章程按照該縣七鄉每鄉分爲十野以野分之大小計出車之多寡由署內編立號簿印票凡遇差需用車輛若干截給印票註明何項差使並數目日期隨到隨行出示曉諭如查無票內前項事由及添改塗抹者許令持票首告立爲究處立法亦甚周詳自可仍循其舊惟核縣爲衝途要道差使繁多地瘠民貧務須加體恤勿稍鬆懈致令差役冒混糜費病民是所至要

批鹿邑縣覆稟

知縣梅茂南湖北麻城進士

宋州從政錄

據該縣向分四鄉鄉分三十五路路分大小二百五十七伍有車可僱者大小僅二百十五伍大伍每伍出車一輛小伍兩伍合并出車一輛俱按差之遠近分別給價輪流派僱迨而復始并於票內載明路伍此鄉此路之票不能持向彼鄉彼路僱車即此伍之票亦不能持向彼伍影射鄉間無車之戶俱素諳舊章差保無從勒索如遇緊要差使立刻需車適值遠鄉承值未能等候即過融於近地路伍將近輪到者僱應再遇緩差仍將遠鄉路伍已輪未應之車補數庶差不致誤而車戶亦無苦樂不均是以向不編號亦不指定其鄉蓋

路伍於某月應差等情查該縣所稟票內載明路伍不令影射并親查號簿不假手他人甚爲扼要惟分別鄉之遠近如緊差通融先應緩差仍令補數一節自係權宜辦法不得不然第恐事多周折鄉民未必咸知底蘊尙易敢吏役商下其手之弊不可不防似不若按鄉路編號分月承值以路之遠近定價之多寡其鄉路伍及月分站數車價均於票內註明作爲準則設遇緊急差使必欲通融仍照前法辦理但票內亦須註明預應一次嗣後值月照數扣免字樣以免淆混摠期於差無悞於民少累惟賢有司斟酌盡善而爲之

宋州從政錄

批夏邑縣覆稟

知縣陳嶠黃州黃平進士

據該縣向屆接過人犯餉鞘因無車行不得不僱用民車係按村庄之大小酌定車數大村三輛中村二輛小村一輛統計合邑共車八十輛爲一輪編號造冊存署挨號指定某村車輛領價聽用次第輪流周而復始該令復畧爲變通以最大之村一輪受僱四輛最小之村二輪合僱一輛其號簿存署親查酌核差事之緩急並村庄之遠近臨時權度等語甚屬允洽惟時有閒忙差有長短此中尙須細意均勻且受僱而來勿令守候卸差使去莫稍留難隨時查察盡善是力

嚴禁至官親幕文長隨斷不可應酬車馬能却一分情小民即受一分之益奉行無懈毋托空言

批永城縣覆稟 新安縣署高槐業順天大興舉人

該縣為豫省東南八境首站差使較多固屬實在情形若云日日有之亦未免言之過當且餉餉人犯過境催餉車輛豈能概以每日四輛預為定限或致不敷從何添催倘逢開日豈不虛糜至於起解錢糧保本縣之事應先期自備其餘各項差使非有兵牌勸合馬票者即欲照料出境亦只能自為捐給不得擅擾驛站濫派病民據稱向按二十四里開編冊

宋州從政錄

卷

號承值於票內註明某里某戶等名下字樣俾無偏枯事尚可行惟前議未分遠近設之緊要之差適值遠鄉承值鞭長莫及亦須先為熟籌或用通融預應之法俟輸值之時照數扣抵仍於票內註明預應准抵各字樣俾書役不致高下其手易滋影射斷不可以日限四輛徒事擾累浮多仍遵照指飭察核情形另議稟奪

又批永城二次覆稟

據另議該縣差絕現在諭令各集紳耆自行公議將集之大小均勻搭配其小集分或三集承值一月或兩集承值一月

大集分或一集承值一月摠以八十一集勻派於十二個月承值並遠近價值車輛數目明定章程註明票內編號親判杜其冒混甚屬允協第遠集值月適遇緊要之差令近集暫行預應迨其輸值照數扣抵有無流弊之處并論該紳耆等一體妥議稟覆

批虞城縣覆稟 知縣林秉瀚山東掖縣拔貢

據該縣地不繁衝只有往來通解人犯及河工捨險派運錢物等差是較他邑衝途本為節省尚例按照離城里數並各車戶村庄住址分為遠近中難四項差隨地出除 貢物木

宋州從政錄

卷

瓜園站堤夫灘地鹽礮不毛并零星小戶以及外境寄庄免派外現存近車八十五輛中車七十輛遠車一百六十六輛黃河南北兩岸灘車五十三輛每年共派車三百七十四輛分項應差已覺浮多至省城官員來往非奉馬票不能濫應該令等上府晉省尤應自備不得派差若將前項節省則需用之車無幾再於各鄉攤勻搭配按庄分月承值編列號票親查畧勞已力而克已財民之受福何啻倍蓰以不忍人之心行不忍人之政斯不愧為民賢父母矣勉旃勉旃

批睢州覆稟 知州汪景燁浙江錢唐人

據該州自嘉慶二十四五年。查遭水災。閭閻窮困。一應差徭。刪除殆盡。該收到任。正值災後。民貧未復。派果所有餉輸人犯及河工差使需用車馬等項。均係自行催備。迄今三年。從未派民間一車一馬等語。具見體恤民情。洵堪嘉尚。試思地方官一年出入之需。何者不資於民力。只此一項。尚復不留餘地於心安乎。誠如來粟所云。每歲出已財千數百金。若一經派辦於民。則鄉地之浮冒。差役之需索。或因而涉訟守候。計合境所出之資。何止數倍。該牧能時存此心。為民設想。真循吏矣。豈得謂博寬大之名。且將隱受福德之報。卒始持宋州從政錄

哭

之勿懈

批柘城縣覆稟 知縣周聯登福建永春州舉人

據該縣三十六鄉輪流僱用現已遵照飭造鄉庄清冊。編號挨輪承值。接簿親標。仍聽論民間查核。標月日號。數村庄車輛不容差役影射。此外交接往來。不以百姓有用之財力。供世途無益之應酬。並深以百姓嗷嗷。養牲畜原以耕。畜倘當農功吃緊之時。一人一畜。出一日。差即少兩日之用。等語。能以所言踐諸實行。夫復何憾。知必有起而行者。吾將拭目俟之。

附錄河南府偃師縣覆稟

本縣地處東西要衝。民間差使。惟車馬最為繁重。向屆章程。保將合境村庄。分為十二處。按月輪支。而每月差使亦多少不一。是以次年之差。即於上年冬月。令各地保分閭拈定。以免爭執。該村輪到支應之月。令其自保公正之人。與鄉地來城居住。一切車馬。令其自將上站數目。點明照依給付。以免再役浮折。及過往需索之弊。然亦間有紳士在城包辦者。至差草一層。按照額設馬匹。計日算定。於各鄉採買。不過較民間買貴。免令市僧居奇。並設立號簿。局而復始。亦於合境輪

哭

宋州從政錄

真由署接簿派定。俾免偏枯。而書役亦無從高下其手。

此條余以查辦徭役。迄無良法。聞偃師縣舊章。允洽官民相安。爰札詢之。據周令尹以折答覆云。墟之衝途。似可革除浮冒。濫擬等弊。而紳士鄉保。又復從中包攬。使以此涉訟者。不少。併錄以備採擇。

去歸德府任留劄各州縣檄

本府蒞守是邦查各屬疆域多與安徽之鳳穎江南之徐州山東之曹單等府縣地界毗連剽悍成風莠良雜處若欲久安長治必先正本清源惟保甲之法行不特戶口貧富按籍而稽且使盜賊奸宄無從隱匿果能里甲任用得人交相勸勉守望扶持安見風俗不可返清為淳成威格而登諸上理外之人情聯絡上下相安為之宰者真有無為而治之樂由是講求弭盜勸辦義倉義學多設講生每屆集期分令會同里甲者在於各集鎮宣講

宋州從政錄

平

聖諭均可提綱挈領次第舉行雖下手似覺甚難而得有端倪亦不形其繁重也又歸德一郡平原曠野雖無水利可興實有水患當除綠各屬境內河道溝渠歲久不治大半淤佔成田每屆夏秋雨水驟霖遂致氾濫為患設黃河潰決漫無所歸為害愈不可言亟宜查勘舊址擇要興挑不僅積潦無虞縱遭黃水亦可順軌下流易於消退是二者均為郡屬致治首務本府下車伊始即將辦理成效之保甲章程並稽查誌乘尋溯源流節次札飭該州縣查辦不啻三令五申乃經令數月保甲則惟商邱永城鹿邑柘城四縣報舉里甲甫經

查辦溝洫亦惟商邱鹿城永城柘城勸諭疏濬工作方興固因秋稼登場農事始隙亦由各屬心存觀望相率畏難湏知此事為

國為民即以爲己第目前振作精神日後便可享無事之福我輩稽古入官讀聖賢書所學何事况州縣爲親民之吏可以惟所欲爲若於地方利弊大端不能興剔爲民父母之謂何顧名思義能無愧乎有志者自命固不應如是也本府業將勸屬查辦緣由通稟

各大憲在案事在必行茲蒙

宋州從政錄

善

思命陞任河北道不獲親見其成用是耿耿想賢有司念切民瘼知必不以本府之去留致存岐視如果始終不懈辦理妥速本府前經稟明

各憲定當切實保舉懇請優加獎勵後之守斯郡者亦必樂從本府今雖去位尚在本省近有見聞舊治關懷災不能置事之成否于不問也一俟查辦完竣迅即具稟告慰至于詞訟須隨時清釐勿任積壓且各屬差役率多私押之弊最爲民害尤宜嚴密查察偵知一二重懲以儆其餘若得役一舉地膏孔道差使往來既無車行勢不得不偷雇民間車輛第

恐差役藉票擾累以少冒多重查飛灑折價歛錢並有門丁亦從而分肥者小民役重於賦其何以堪本府現爲永邑酌議按各集分月派令承值卽以路之遠近時之忙隙註明價值及需車費自親筆標票編號存查飭令各屬察看情形仿照辦理凡此皆爲民牧者無損于己有德于民不過隨事稽查蓋一分心卽受一分之益迨福眞無旣極勉之望之臨別贈言各盡乃職方今

聖主求賢若渴明目達聰此日之州縣卽他日之司道府也無自菲薄是囑

長州從政錄